

玉海

三十九之四十一

藝文

漢書門			
二九八〇	號	類	
九三〇	函		
五八	架		

內閣文庫		
二九八〇	號	類
九三〇	函	
五八	架	

內閣文庫	
番號	漢 2980
冊數	58 (17)
函號	366 15

十七



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





等

漢九章文庫

漢王應麟伯厚奇



三禮 又見禮制

元經禮居其三曰儀禮漢儒得古文禮五十六篇
高堂傳士禮十七篇漢志所謂古經七十篇者也
謂傳抄云曰周禮漢河間獻王得之李氏失冬官
一篇補以考工記劉歆校理始得著錄漢志所謂
周官經六篇者也曰禮記有大戴禮記小戴禮記
莫后倉授梁人戴德及兄子聖德刪古禮為八十

五篇謂之大戴禮聖刪大戴禮為四十六篇為小戴禮馬融又足月令明堂位樂記為四十九篇漢志不著錄而曰德聖慶晉三家立於學官後漢諸儒多為小戴訓即今之禮記也大戴禮既已缺逸其間又多雜誤後漢儒林傳與隋經籍志諸書言三禮皆不及大戴云

周禮書 禮灋 禮經 經禮 經制 禮

志 周制

禮宗伯帥其屬掌邦禮注禮謂曲禮五吉為賓軍禮五刑為賓六 大史禮居一融大祭祀與羣執

掌讀禮書而協事祭之日執書以次位常大會同朝覲以書協禮事將幣之日執書以詔王 小史大祭祀讀禮灋史以書叙昭穆之俎簋凡國事之用禮灋者掌其小事 天官大宰掌邦之六典注典常也經也法也王謂之禮經常所秉以治天下也邦國官府謂之禮法常所守以為法式也常者其上下通名小宰以灋掌祭祀朝覲會同賓客之戒具注謂其禮灋也 宰夫掌禮之灋 秋官小行人掌邦國賓客之禮籍禮俗政事教治為一書 左氏傳隱公七年告終稱嗣以繼好息民謂之禮經注此言凡例乃周公

所制禮經也。王子朝曰：敷布先王之經。閔九年仲

孫湫曰：魯猶秉周禮。僖二十五年，卜偃曰：周禮未

改。成風曰：崇明祀，保小寡，周禮也。文十八年，史克

曰：周公制周禮，曰：則以觀德。昭二十三年，叔孫婁

曰：列國之所當，小國之君，因周制也。哀三年，司鐸

災，子服景伯命宰人出禮書，辨之。釁七年，子服景伯

曰：周之王也，制禮上物，不過十二天之大數也。杜

預序：韓宣子適魯，昭二年見易象，魯春秋曰：周禮盡在

魯矣。注：春秋傳見公。韓子所見，蓋周之舊典禮經也。

禮記注疏：子餘曰：禮志有之曰：將有請於人，必先有

入馬。周單子曰：周制有之曰：列太以表道，立鄙食以

守路。置有寓望，國有郊牧，數有圃草，園有林池，以禦

災也。其餘無非穀土，民無懸耜，野無輿草，不奪民時

不蔑民功，有優無匱，有逸無罷，國有班事，縣有序民。

韓詩外傳：周制曰：先時者死無赦，不及時者死無

赦。漢藝文志：儒家河間周制十八篇，似獻王所述。

禮樂志：周監二代禮文，尤具事為制曲，為防故稱

禮經三百，威儀三千。注：藝文志：韋昭曰：周禮三百六十

官也。瓚曰：禮經謂冠昏吉凶周禮三百，是官名也。師

古曰：威儀三千，蓋儀禮是也。記禮器注：經禮謂周

禮也六篇官三百六十曲猶事也事禮謂今禮也其中事儀三千

詩假樂箋成王循用舊典之文章謂

周公之禮法正義六文中子聖人在上未有着周

公其道則一而經制大備取我執此以徃周禮敵

命王葉氏曰禮器云經禮三百曲禮三千經禮制之

凡也曲禮文之目也故中庸云禮儀三百威儀三千

元王之世二者蓋皆有書藏於有司祭祀朝覲會同

則太史執之以涖事小史讀之以喻衆而卿大夫受

之以教萬民保氏掌之以教國子亦此書也周衰二

者皆亡惟孔子知之故謂之執禮

三禮

周儀禮 漢高堂生士禮 曲禮

三禮義宗 儀禮者周公所制吉禮惟得臣禮三篇凶

禮得四篇上自天子下至庶人其禮同等餘三篇皆

臣禮賓禮惟存三篇軍禮亡失嘉禮得七篇儀禮經

千一百儀禮疏序周公太平之書周禮為末儀禮

為本本難明末易曉韓愈讀儀禮以為周公文王法

奇辭與旨 禮序曰禮體也履也統之於心儀禮注

為體周禮是也踐而行之曰履儀禮是也

後鄭而已疏有二家齊黃慶隋李孟哲互有長短今

擇善而從兼增已義仍取李元植詳論可否唐志賈

公彥疏五十卷漢興求錄遺文有古書今文高堂生

傳十七篇是今文也孔子宅得古儀禮五十六篇其
字皆篆書是為古文十七篇與高堂生同而字多不
同餘三十九篇絕無師說秘在於館鄭注禮以今古
二字並之十七篇士冠禮至有司徹 劉向別錄皆
尊卑吉凶次第倫叙故鄭用之大小戴皆
異 鄭玄禮序曰秦并天下收儀禮而歸咸陽但采
其尊君抑臣以為時用 史記正義七錄云古經出
魯淹中其書周宗伯所掌五禮威儀之事有六十六
篇無敢傳者後博士侍其生得十七篇鄭玄注今之
儀禮是也餘篇皆亡儀禮疏云古文十七篇
與高堂生所傳相似 禮記
正義鄭君六藝論云按藝文志儒林傳傳禮者十三

三禮

家唯高堂生及五傳弟子戴德聖名存也又云五傳
弟子者高堂生蕭奮孟卿忘蒼及戴德戴聖為五此
所傳皆儀禮也今禮行於世者二戴之學也 藝文
志漢興魯高堂生傳士禮十七篇而魯徐生善為頌
不能通經陸德明賈公彥以今儀禮按今儀禮中
陸德明賈公彥以今儀禮按今儀禮中
堂生皆天子諸侯大夫禮必非高 王式傳歌驪駒
江翁曰經何以言之曰在曲禮禮之釋文曰曲禮是
禮之釋文曰曲禮是
之事疏儀禮是曲禮五其別經禮 書曰儀禮乃儀
度委曲之書若後世儀注其初蓋三千餘條

漢十三家禮 禮古經 中庸說

名

藏文志禮十三家五百五十五篇禮古經五十六卷
 經十七篇右氏黃氏記百三十一篇許所記也後學明
 堂陰陽三十三篇古禮王文氏二十一篇明堂陰陽說
 五篇周官經六篇王莽時劉周官傳四篇軍禮司馬
 法百五十五篇古封禪羣祀二十二篇封禪議對十
 九篇肅帝漢封禪羣祀三十六篇議奏三十八篇駁
 漢興高堂生傳士禮訖孝宣世后倉最明戴德戴聖
 慶普皆其弟子三家立於學官禮古經者出於魯淹
 中經及孔氏學十七篇文章相似多三十九篇及明堂

陰陽王史氏記所見多天子諸侯卿大夫之制雖不
 能備猶倉等推士禮而致於天子之說後儒林
 傳孔安國所獻禮古經五十六篇及周官經六篇前
 世傳其書未有名家前儒林傳孟卿善為禮春秋
 援后蒼疏廣世所傳后氏禮疏氏春秋皆出孟卿

漢周官經傳見上 周官解故 訓詁
 晉周禮評

藝文志見上 河間獻王傳得古文先秦舊書周官
 尚書禮記孟子老子之屬禮記正義孝文時求得此
士作考工記補之隋志謂李氏得周官上河間獻王
購冬官以千金不得取考工記以補正義謂孝文時

也非 武帝開獻書之路有李氏得周官上於河間獻
 王獨缺冬官取考工記以補之合成六篇奏之正義云既
 出於山巖屋壁復入于秘孝成時劉歆校秘書見之
 始著于錄略衆儒共排以為非惟歆獨識而五官亦
 有殘缺歆末年始信其為周公致太平之迹王莽時
 奏置博士弟子惟河南緱氏杜子春在頗識其記正義
 子春永平初年九十能通其讀讀費微及子達鄭興及
 識其義鄭衆賈逵往受業焉子衆又以經書轉相證為解鄭玄注多引杜子春鄭
 大夫典司農衆之義周禮起於劉歆成於鄭玄正義
 存以為武帝知周官末世世瀆亂不驗之書作十論七
 難以排之何休以為六國陰謀之書惟鄭玄知為周

禮

公一發欽平之迹故能卷林碩之辭仲長統以周禮
 為經禮記為禮之傳賈公彥曰按書傳周公一年訪
 魯二年伐商三年踐奄四年建侯衛五年營成周六
 年制禮作樂七年致政成王所制之禮即今周禮也
 以設位言之謂之周官以制作言之謂之周禮兵刑
 之官分為二禮樂之官合為一畧天地詳人事後之
 言治者必稽焉後儒林傳中興鄭衆傳周官經後
 馬融作周官傳授鄭玄玄作周官注列傳賈逵
 作周官辭欽遷衛士令欽事之張衡著周官訓詁
 崔瑗謂不能異諸儒鄭玄各臨孝存周禮難趙

禮

政讀周官二義不通一往造馬融

晉儒林傳

陳邵泰然中為燕王師撰周禮評甚有條貫

著禮義論難列女傳章達母宋氏傳周官音義

隋志馬融鄭玄王肅伊說千寶注周官禮各十二卷

崔靈恩集注二十卷晉司空長史陳邵撰周官禮異

同評十二卷孫恩撰周官禮駁難四卷梁有周官駁

難二卷孫恩撰周官禮駁難四卷梁有周官駁

記評十一卷詩正義馬融為周禮注云欲省學者

兩讀故具載立文然別後漢以來始就經為注

文惠太子鍾雍州有盜殺楚王家獲竹簡書

編 竹簡廣數丈長二尺有得十餘簡以示王僧
僧虔曰是科斗書考工記周官所闕文也 梁陸倕
謂周官為羣經源本惟沈峻精此書

漢后氏曲臺記 禮記事句 禮略 月

今章句

儒林傳孟卿事蕭奮以授后倉倉說禮數萬言說

后氏曲臺記授梁戴德戴聖慶普

禮有大小戴慶氏之學

藝文志曲臺后倉九篇注如行禮射

禮有大小戴慶氏之學

藝文志曲臺后倉九篇注如行禮射

於曲臺后倉為記故曰曲臺記漢官曰大射于曲臺
晉灼曰天子射宮也西京無太學於此行禮
河間獻王得仲尼弟子及後學者所記一百三十一
篇至劉向考校經籍纔獲百三十篇等而叙之又得
明堂陰陽記三十三篇孔子三朝記七篇王氏史記
二十一一篇樂記二十二篇凡五種合二百十四篇戴
德刪繁重合為八十五篇戴聖又刪為四十六
篇一云四十七篇馬融又益月令明堂位樂記合四
十九篇曲禮至四制中庸子思繼衣公孫居子
月令呂不韋王制漢文時博士錄

後橋玄

傳七世祖仁從戴德學著禮記章句四十九篇號曰
橋君學成帝時為大鴻臚曹褒傳慶氏學褒撰漢
禮又傳禮記四十九篇儒林傳景鸞撰禮內外記
號曰禮畧又作月令章句所著述五十餘萬言中興
有大小戴博士

漢大戴禮

隋志唐志大戴禮記十三卷唐志無小正之別

書目今所存止四十篇其篇第始三十九編次不倫

崇文目十卷三十三篇又一本三十三篇史記索隱大戴禮合八十五

篇其四十七篇亡存三十八篇序曰今大戴篇始

三十九終八十一當為四十三篇缺者四篇重出一篇其上不見者猶三十八篇不能合八十五篇之數豈但為八十一邪哀公問投壺二篇與小戴書無異禮察篇與經解不同曾子大孝篇與祭義相似則戴聖已取之篇也勸學禮三本見於荀卿子取舍之說及保傅見於賈誼疏闊與經子同者尚多有之其探索陰陽窮析物理推本性命雜言禮樂器數必有自來以是知聖門之學無不備也始於上言 終於易

本命 詩正義大戴禮遺逸之書文多假託不立學

官世無傳者

三禮

漢禮博士

儒林傳贊武帝立五經博士禮后后蒼通詩禮為博士孝宣立

大小戴禮平帝時立逸禮劉歆哀帝時建立聖號小戴以博

士論石渠禮有大小戴慶氏之學大戴授徐良旂卿

為博士小戴授橋仁楊榮由是大戴有徐氏小戴有

橋楊之學後傳凡十四博士禮大小戴二前書大

小戴慶氏禮三家為博士藝文志三家立於學官中興後亦有

大小戴博士雖相傳不絕未有顯於儒林者董鈞習

慶氏禮永平初為博士曹褒傳父充持慶氏禮建

武中為博士作章句辯難於是遂有慶氏學褒拜博

禮記

士作通義十二篇演經雜論百二十篇又傳禮記四十九篇慶氏學遂行於世晉賀循慶普之後尤精禮傳周官王莽時劉歆置博士

漢逸禮

劉歆傳歆欲立逸禮列於學官移書太常博士曰魯恭王得古文於壞壁逸禮有三十九天漢之後孔安國獻之孝成得此三事以考學官所傳儒林傳平帝時又立逸禮元始五年正月召天下通逸經古記者禮記正義漢志云漢興始於魯淹中得古禮五十七篇其十七篇與今儀禮正同其餘四十篇歲在

三禮

綴府謂之逸禮其投壺禮亦此類也又六藝論曰漢高堂生得禮十七篇後孔壁得古文禮五十七篇其十七篇與前同而字多異朱氏曰儀禮存者十七篇其逸見他書者猶有投壺遷廟學廟中雷等篇其不可篇者又有古經增多三十九篇而明堂陰陽王史氏記數十篇又河間王所輯至五百餘篇儻或有逸在其間者曲禮少儀內則玉藻弟子職篇所記皆禮之微文末節周禮疏半壁曰璜者逸禮記文宗宗烝嘗之禮有射豕者據逸烝嘗禮而知射人記月令注王居明堂禮正義云逸禮篇名凡祭五祀

於廟用特牲有主有尸皆先設席于奧正義云皆中
 雷禮行在廟門外之西正義云皆中雷禮文隸林氏
 雷之禮禮記正義亦引禮記王制疏逸禮云皆升合
 於太祖禮記正義亦引禮記文選注逸禮曰王皇禪云云五帝禪享享
 論衡宣帝時河內女子壞老屋得佚禮後漢輿
 服志注引逸禮王度記蔡邕明堂論引禮記保傳
 篇古大明堂之禮王居明堂之禮大學志昭穆篇月
 令記通典引逸禮本命篇天官內宰注引天子
 迎狩禮聘禮注引朝貢禮親禮注引朝事儀
 正義引雜問志云天子巡守禮無六軍之文漢

書引禮明堂記曰周公朝諸侯於明堂賈誼傳引
 學禮論衡案禮記瑞命篇禮記正義案大戴禮
 豐廟篇荀子引聘禮志

漢禮器制度 附

周禮凌人注漢禮器制度云云疏叔孫通前漢時作
 稿祖詒叔孫通制多得古之周制故鄭君依而用之
 逢人注亦引之典瑞注漢禮璜槃疏此漢禮器制
 度文叔孫通所作弁師疏凡冕體周禮無文叔孫
 通作漢禮器制度取法於周今取彼以釋之箋人
 疏鄭知邊器者亦依漢禮器制度匠人疏牛鼎之

肩長三尺脚鼎之高長二尺亦漢禮器制度 梓人

疏禮器制度云觚大二升解大三升 儀禮士冠禮

疏案禮器制度弁冕 聘禮疏以韋衣木教飾以二

色再就者依漢禮器制度而知 疏案漢禮器

制度洗之所用士用鐵大夫用銅諸侯用白銀天子

用黃金也 案禮器制度尊卑皆用金罍 記王制疏

凡冕之制皆玄上纁下案漢禮器制度廣八寸長

六寸 明堂位疏周之璧鬯垂五采羽於下對於簋

之角上者案漢禮器制度而知 禮器疏壺大一石

五斗者漢禮器制度文 古書益稷疏祝致之狀

經典無文漢禮器制度其說皆然 詩行章疏漢禮

器制度注勺五升徑六寸長三尺 有臂疏亦引之

春秋疏漢禮器制度云冕長尺六寸 兩漢諸儒去

古未遠已不能盡識三代遺制凡冕服車旗類以漢

禮制度為據其所臆度者無以名之則曰猶今某物

然孔賈疏義又謂去漢久遠雖漢法亦不可考

後漢書光武紀注漢制度曰帝之下書有四 禮記又

曰漢禮制度曰人君之居前有朝後有寢 禮記注

注漢制度曰戎立車以征伐 百官志注胡廣漢制

度曰特進在三公下 禮儀志注謝沈書曰太傅胡

廣博綜舊儀立漢制度蔡邕依以為志譙周後改定以為禮儀志 儒林傳序注胡廣漢制度曰天子出有大駕法駕小駕

漢中庸說

志中庸說二篇注師古曰今禮記有中庸一篇亦非本禮經蓋此之流

漢石渠禮論

隋志石渠禮論四卷戴聖撰梁有羣儒義十二卷博士聞人通漢以太子舍人論戴聖撰前漢傳鄉射合樂而大射不何也韋玄成曰鄉人本無樂故

合樂以同其意禮儀志玄冠朝服戴聖曰玄冠委貌也朝服布上素緇帛帶素韋鞞與服志王制正義

石渠論白虎通云周以後稷文武特七廟張融以石渠論證七廟詩既醉正義石渠論云周公祭天用

大公為尸通典漢石渠議曰鄉請射告主人樂不告何也戴聖曰請射告主人者賓主俱當射也樂所

以樂賓也故不告宣帝甘露三年三月黃門侍郎臨奏經曰鄉射合樂大射不何也戴聖曰鄉射合樂者

質也大射人君之禮儀多故不合樂也闡人通漢曰鄉射合樂所以和百姓也大射不合樂者諸侯之禮

也章玄成曰鄉人本無樂故合樂所以和百姓而同
其意諸侯當有樂故不云合樂時公卿以玄成議是
又繼宗子議引石渠禮議曰經云宗子孤為殤言孤
何也聞人通漢戴聖云云

漢三禮 目錄 解詁

後儒林傳鄭眾傳周官經後馬融作周官傳二卷
授鄭玄玄作周官注玄本習小戴後以古經校之取
其義長者為鄭氏學又注小戴所傳禮記四十九篇
通為三禮焉玄注儀禮禮記又著魯禮盧植傳熹
平四年拜九江太守作尚書章句二禮解詁時始立

太學志經以正五經文字植上書曰少從通儒馬融
受古學頗知今之禮記特多聞六臣前以周禮諸經
繁起杜繆敢率愚淺為之解詁願得將能書生二人
詣東觀專心研精合尚書章句依禮記失得庶裁定
聖典刊正碑文古文科斗近於為實而厭抑流俗降
存小學中興通儒班固賈逵鄭興父子並悅之今毛
詩左氏周禮各有傳記與春秋相表裏宜置博士為
立學官以廣聖意歲餘拜議郎校五經元帝行於
末馬融為傳禮記注禮記十篇為之論世所不
禮記十篇為之論世所不禮記十篇為之
禮記十篇為之論世所不禮記十篇為之

馬融傳注三禮 隋志今周官六篇古經十七

篇小戴記四十九篇凡三種唯鄭注立國學鄭玄撰
三禮目錄一卷漢有鄭私景又禮議二十卷注一卷注小戴禮記二十卷禮注又禮議二十卷注周官
十三卷注儀禮十七卷

漢周禮解詁又見上

禮疏馬融傳云杜子春永平之初年且九十能通其
讀頗識其說鄭衆賈逵往受業焉衆逵洪雅博聞又
以經書記轉相證明為解達解行於世衆解不行然
衆時所解說近得其實獨以書序言作周官則此周
官也失之矣達以為之抑大大則家宰以下及六遂

為十五萬巨千里之地甚謬焉云云謂之周官傳
鄭玄序云世祖以來通人達士太中大夫鄭少贛名
與及子大司農仲師名衆議郎衛次仲侍中賈君景
伯南郡太守馬季長皆作周禮解詁又云玄竊觀二
三君子之文章顧省竹帛之浮辭其所變易灼然如
晦之見明其所彌縫奄然如合符復析斯可謂雅達
廣攬者也二鄭者同宗之大儒今讀而辨之庶成此
家世所訓也

周禮古今文

天官注類故書作賓疏言故書者鄭注周禮時有數

本劉向未校之前或在山巖石室有古文考校後為
今文古今不同鄭據今文注故云故書作賓天官注
經今禮家定作難今禮家定齊作資

桓譚新論古秩禮記有五十六卷 崇文目禮記字

例異同一卷

周禮三家

天官疏周禮之內鄭康成所存注者有三家司農之
外懈疎字又有杜子春鄭大夫大夫者鄭少贛二鄭
皆康成之先故言官不言名字杜子春非已宗故指
其父也後與服志注引鄭東周禮傳

魏三禮解

王肅傳肅善賈馬之學而不好鄭氏采會同異為尚
書詩論語三禮左氏解肅父朗字景興著易春秋孝
經周易傳肅撰定皆列學官 隋志王肅注周官禮
十二卷儀禮十七卷禮記三十卷 劉昌宗禮音一卷

三禮大義宗略

隋志三禮大義十三卷又四卷雜大義三卷 北史
後魏劉獻之撰三禮大義四卷沈重著周禮義三十
一卷儀禮義三十五卷禮記義三十卷 李公緒禮實
疑五卷 南史梁成袞撰三禮義記禮記義四十卷

簡文禮大義二十卷唐志十卷

唐志元延明三禮宗略

二十卷隋志元延明五經

後魏盧辯以大戴禮有解詁乃注之

晉禮通論

儒林傳董景道字文博三禮之義專導鄭氏著禮通

論非駁諸儒演廣鄭旨范隆著三禮吉凶宗紀

晉禮博士

荀崧傳元帝踐阼興周官禮記鄭氏置博士崧上

疏曰儀禮一經所謂曲禮鄭玄於禮持明皆有證據

官置鄭儀禮博士一人

宋新撰禮論

宋書傳隆傳元嘉十四年為太常太祖以新撰禮論

付隆隆上所見五十二事表曰高堂生頗識舊義師

資相傳共枝別幹聞人二戴俱事後蒼俄已分異盧

植鄭玄偕學焉融人各名家隋志梁有宋傳隆議

二卷祭法五卷宋徐廣禮論答問八卷百餘條

史記禮書取荀卿禮論

宋何承天禮論

傳先是禮論有八百卷承天刪減并合以類相從為

三百卷何承天禮論通禮論三百篇畧皆禮論王儉抄寫

八帙又別抄條目為十三卷朝儀舊典晉宋來施行
 故事撰次無遺與志隋志宋御史中丞何承
 天撰禮論三百卷唐志云三庾蔚之禮論鈔二十卷
 王儉撰禮論要鈔十卷賀瑒要鈔一百卷任預禮論
 條牒十卷宋志禮論唐志禮論帖三
 卷丘季彬論五十八卷三南史梁孔子祛續承天
 禮論一百五十卷又中子禮論二十五篇十卷樂
 論二十篇十卷董常曰夫子以禮論樂論為教化
 會要聖曆元年張嘉貞賢議案禮論王珉范甯等議
 明堂每月告朔之禮王方慶云晉末禮樂掃地無

復舊章軍國所資臨事議定宋何承天纂集其文為
 禮論隋大業中命學士撰江都集禮抄撮禮論更無
 異文會昌六年五月禮儀使奏按禮論晉太常賀循
 云廟以容主為限無拘常數隋志梁有齊荀萬秋
 抄畧二卷禮答問有徐廣二卷梁志庾蔚之六卷王
 儉三卷何佟之十卷禮雜問有范甯十卷何佟之禮
 雜問答鈔一卷梁有晉吳高禮雜十二卷雜議十二
 卷又禮議雜記故事十三卷宋傅隆議二卷緜氏禮
 記要鈔一卷隋志之撰禮要

宋禮記義疏

隋志禮記新義疏二十卷賀瑒撰梁有義疏三卷宋

雷肅之撰義疏九十九卷譚疏四十八卷皇侃撰義

疏四十卷沈重撰義十卷何氏撰義證十卷劉芳撰

比史又周官儀禮義疏各五卷經典序錄梁皇侃

撰禮記義疏五十卷禮記釋文引隱義云

梁禮統 中庸講疏

唐志賀述禮統十二卷又禮統注郊祀禮統隋志

梁武帝禮記大義十卷中庸講疏一卷欽定射

述制旨禮記中庸義武帝撰講疏孔梁有儀禮

子正言使孔子徒檢照羣書以為義證郎丘季彬論五十八卷議一百三十卷統六卷已

書中禮儀三卷

梁三禮義宗

唐志崔靈恩周官集注二十卷南史傳又三禮義宗

三十卷傳云四十七卷與今梁傳靈恩徧習五經

尤精三禮三傳陸謝習靈恩三禮義唐會要王方

慶云梁崔靈恩撰三禮義宗但摺撫前儒因循故事

書目梁天監中國子博士崔靈恩撰三十卷其書

合周禮儀禮禮記諸儒之說敷釋其義凡一百五十

六篇禮記宗始於明天地以下歲祭終於調禮儀禮

唐儒學傳孔穎達階誦三禮義宗

隋江都集禮

隋潘徽江都集禮序百二十二卷一明堂曲臺之記南宮
東觀之說鄭王徐廣之答崔譙何庾之論簡牒雜盈
菁華蓋鮮東探石黃之符西蠹羽陵之簡佃漁六學
網羅百氏沛王通論寧朔新書不獨擅於前脩
文總目一百四卷續書目五十卷
魏杜恕傳注杜氏新書曰杜寬刪集禮記及左氏傳
解今存于世

唐六十九家禮

藝文志經錄四曰禮類六十九家九十六部一千八

百二十七卷

失姓名七家

始於大戴禮記終於王元

度注禮記若馬融傳玄陳邵干寶伊說崔靈恩則周
官之學也若盧植鄭小同李軌尹毅徐邈爰戴顓射
慈孫炎業遵劉雋庾蔚之何佟之皇侃熊安生劉芳
孔穎達魏徵則小戴記之學也若袁準孔倫陳銓蔡
超宗田僧紹之注杜預賀循王逸之崔游蔡謨趙成
沈文阿諸家之禮服則儀禮之學也學兼三禮則有
鄭玄王肅之音注目錄崔靈恩元延明之義宗宗略
夏侯伏明之圖賈公彥之義疏學兼二禮則有司馬
伸之新書沈重王元度之義疏決注論議問答則有

徐廣范甯董勛吳商何承天顏延之任預王儉荀萬
秋傳隆梁武帝周捨戚壽賀瑒述之流不著錄者十
六家元行冲類禮義疏至張頰禮粹一百九十五卷
有刊定月令外傳繩愆正義問答精義字例異同名
義及李敬玄之論張鎰之圖陸質之類禮丁公著之
禮志杜肅之禮略 隋志一百三十六部一千六百
二十二卷 崇文目三十三部一千九十七卷 周禮
至謚法 中興目四十三家七百九十八卷 續書
目十二家十六部四百六十三卷
通典禮經章句名數尤繁諸家解釋注疏統雜

三禮

唐禮記正義 周禮疏 儀禮疏

志禮記正義七十卷祭酒孔穎達司業朱子奢國子
助教李善信太學博士賈公彥柳士宣范義顧魏王
參軍事張權等奉詔撰周玄達趙君贊王士雄趙弘
智等覆審宋朝祭酒邢昺 正義序大小二戴共氏

而分門王鄭兩家同經而異注晉宋逮周隋傳禮業

者江左尤盛注禮記者六家鄭玄盧植王肅孫炎業

義十卷又有李軌尹 為義疏者南人有賀循賀瑒唐志皇侃禮記講疏一百卷

蔚崔靈恩沈重皇侃等又義疏五十卷沈重周禮義

疏四十卷又禮記義疏四十卷庾蔚之禮記略解十

卷南史皇侃撰禮記講疏五十卷奏之詔付祕閣

梁武召入壽光殿說禮記義

北人有徐道明李業與李寶鼎侯聰

熊安生等志能安生義疏四十卷北史安生撰周禮於熊氏褚輝禮義疏二十卷禮記義疏三十卷劉炫受撰禮疏一百卷其見於世者唯皇熊二家熊則多引

外義皇氏雖章句詳正時乖鄭義今據皇氏以為本

其有不備以熊氏補焉隋儒林傳曰南人約簡得其英華北學深蕪窮其枝葉

馬光傳山東三禮學者自能安生後惟宗光一人

志賈公彦禮記正義八十卷周禮疏五十卷儀禮疏

五十卷舊史四十卷公彦事張士衡撰次章句甚多為太學博士儀禮鄭注後日黃慶李孟摠

二家疏義慶舉大畧小摠舉小畧大經注稍周時之所尚李則為先公彦據以為本增損以已意同李元植裁定

王方慶禮經正義十卷不著錄

三禮

唐三禮義證

儒學傳王恭貞觀初為太學博士講三禮為義證甚

精博蓋文懿文達每講徧舉先儒義而必暢恭所說

唐類禮 又見後

舊史魏徵以戴聖禮記編次不倫遂為類禮二十卷

以類相從削其重複採先儒訓注擇善從之研精覃

思數年而畢太宗覽而善之賜物千段錄數本賜太

子諸王仍藏祕府

唐五禮精義

志章彤五禮精義十卷 書目十卷太常博士章彤

撰凡二百九十二條每條設問對先援古禮參以唐制辨據為詳 儒學傳大曆時仲子陵袁彝章彤韋燕以禮寺自名其學彤德宗時為太常博士貞元十三年與裴堪議朔望食之禮

唐禮記外傳

志成伯璵禮記外傳四卷 書目四卷中山成伯璵撰吳郡張幼倫注四門博士劉素明序凡一百一十條分義例名數二體又各分上下卷雖舉禮記為目實兼三禮言之 義例二卷五十一篇名數二卷六十九篇 太平御覽引外傳

唐禮記異同

志禮記字例異同一卷元和十三年認定又丘敬伯五禮異同十卷 崇文目五禮名義十卷

唐禮略

志杜肅禮略十卷 隋志禮畧二卷失姓名 書目十卷丁公著序採占經義下逮當世禮文沿革莫不附見詞約理備故題禮畧

唐禮志

禮粹

禮論

禮繩愆

志丁公著禮志十卷張頻禮粹二十卷李敬玄禮論六十卷 禮論及他書數十篇 王元感禮繩愆

三十卷長安中宋朝何洵直禮論一卷十篇聘問至虞祔

唐三禮圖

志張鎰九卷夏侯伏明十二卷甄術有禮圖雜畫五十六卷隋志三禮圖九卷鄭玄及後漢侍中阮

等撰又有周官禮圖十四卷注云法冠執法剖服之後漢

堂春疏疏素禮圖阮議舊史張鎰為豪州刺史撰三禮

圖九卷五經微旨十四卷孟子音義三卷

建隆三禮圖

詳見圖類

書目三禮圖二十卷聶崇義周顯德中參定郊朝器

三禮

王因博采先儒三禮舊圖凡得六本考正是否續素而申釋之每篇自叙其凡參以近世沿革之說建隆二年五月丙寅表上之實儼為序詔太子詹事尹拙集儒學三五人更同參議拙多所駁正崇義復引經以釋之其駁議及答義各四卷率列於註釋詔頒行之又畫於國子監講堂之壁實儼裁定共分十五卷余希文撰并田王制圖一卷凡三十有二圖陸佃禮象十五卷救舊圖之失三禮圖駁議二十卷不知作者疏駁崇義舊圖然互有得失崇文目三禮圖九卷梁正撰二十卷崇義集會要尹拙聶崇義復上

祭王鼎釜異同之說詔尚書省集義吏部尚書張昞
等曰四部書目有三禮圖十三卷題曰梁氏鄭氏
書府有三禮圖亦題梁鄭後有梁氏者集前代圖
更加評議題三禮圖曰阮譙受禮學於綦毋君
取其
說為圖三卷多不案禮文而引漢事與鄭君之
文違
錯禮圖之內亦無改祭王之說宜依白虎通義
宗為
定詔從昭議

雍熙禮選

贊

四年八月己酉諸王府侍讀實錄云邢昺進分門禮
選二十一卷長編云賜銀器二帛三十太宗探得其

帙得方王世子篇甚悅問衛欽緒曰昺為諸王講書
曾及此乎曰諸王嘗訪昺經誼每發明君臣父子之
道太宗益喜後真宗因內閣曝書覽而稱善召昺同
觀作禮選贊賜之以示近臣實錄祥符二年五月
乙巳上作禮選贊賜翰林侍讀學士邢昺昺言家無遺
藁願得副本繕錄未竟而昺卒六月詔寫二本賜昺家

咸平禮記疏

二年六月己巳祭酒邢昺上新印禮記疏七十卷賜
諸王輔臣人一本六年八月勅雕印周禮正義頒行
景德元年七月癸未朔賜諸王宗室近臣新印周禮

疏

景德崇和殿尚書禮記圖

中庸九經

見圖類 中庸曰凡為天下國家有九經所以行之
一也九經脩身尊賢親親敬大臣體羣臣子庶民來
百工柔遠人懷諸侯天下國家之本在身故脩身為
九經之本然必親師友然後脩身之道進故尊賢次
之道之所進莫先其家故親親次之由家以及朝廷
由朝廷以及其國由其國以及天下此九經之序也
夫大臣體羣臣則自尊賢之等推之子來柔懷則自
見親之殺推之脩身之至然後當理而無悖九經其

實不出三者一者

熙寧新

誠也一有不誠則九者為虛文

晁氏志王安石撰

十二卷熙寧中設經義局

自為周官義十餘首

言不解考工記安石以其書

財者居半愛之如行

青苗之類皆稽焉所以自釋

義者蓋以其所創新

之禍難並起劉彝撰中義

其黨紹述期盡行之

四十卷宗王氏楊時撰

八卷王昭禹撰詳解

樂思忠攷疑七卷

疑一卷攻安石之書

駁議

校總義三十卷

周禮致太平論

李秦伯撰五十一篇并序

荆禁六官人八教道九為上

康成皆以周禮為周公致大

元祐禮書

儀禮

注

禮圖

書目禮書一百五十卷

陳洪

行道撰繪其物而辨論之

凡歷代諸儒之說及近代

其關於禮學為詳元祐四

道增廣禮圖及著禮書一百

太常博士五年十一月元祐

內治七國用十六官

下卷叙曰昔劉子駿

一平之迹又有平上書禮

注

禮圖

行道撰繪其物而辨論之

凡氏之圖或正其失或補

年翰林學士許將言祥

卷二月二日詔祥道為

為言請付太常與真業

元祐禮書一百五十卷

正月二十二日侍讀

元祐禮書一百五十卷

行道注解儀禮三十二

卷指詳博論之下兩制者詳

并所進禮圖付太常以

備禮官討論從之祥道又有

恒記講義二十四卷禮

例詳詳十卷弟賜樂書二石卷

政和禮記解義

三年方慈進二十卷自為之序以王氏父子獨無解

義乃取三經義及字說申而明之著為此解馬希

孟禮記解七十卷駮行曰其新解禮有之

撰禮記新義

張載說三卷 呂大臨^世閣禮記解十卷 陳祥道

講義二十四卷 胡銓^得十八卷 李格^非精義

六卷 衛湜集說^一六十卷 實腰^二年

淳熙大學^{章句}中庸章句

朱文公熹撰淳熙十^{六年}二月甲子序大學章句三

月戊申序中庸章句^二書各有或問中庸又有輯略

紹熙五年閏月戊^二朔講盡銘

古禮經通^內通解

朱文公熹以儀禮^為經取禮記及諸經史書所載附

之^下具列注疏諸儒之說^為經傳通解^二十

禮記^三 邦國禮^四 集傳集注^{十四}卷 王朝

祭祭二禮屬之門人黃榦類次 黃榦集

祭禮為儀禮通解續二十九卷

文公曰周官一書固為禮之綱領至儀法度教義禮

為其本經而禮記郊特牲冠義等篇乃其義疏

紹熙同禮說

三年吏部郎陳傅良進以格君心正朝廷綱^均國勢

耳目各四篇

周禮微言

續書目徐筠學周官於陳傅良記所口授成書十卷

自謂聞於傳良曰周禮綱領有三養君德正紀綱均國勢鄭氏注誤有三王制漢儒之書今以釋周禮司馬法兵制也今以證田制漢官制皆襲秦今引漢官以比周官其誤三也陳傅良徐元德撰周官制度精華二十卷

周官講義

四卷史浩為建王府直講時撰止於地官司關

端平大學衍義

二十月二日侍讀真德秀進上謂有補治道

序曰大學一書君若

以進言進講臣思所以羽翼是書剏取經文二百五

字載于是編况以帝王為治之序為學之本格初致

知之要明道行察辨人情誠意正心之要嚴四者之

身之要謹言齊家之要重始嚴內治四者之

道得則治國平天下在其中矣每條首以聖賢明訓

參以前古事蹟前列二者之綱後分四者之目以推

衍大學之義而目之中又有細目焉凡四十三卷

表曰惟大學設八條之教為人君立萬世之程首以

格物致知示窮理乃正心之本推於齊家治國見脩己為事物之原實東魯教人之微言迺南面臨民之要道

淳祐中御製中庸六學贊

禮者其本在於養人之性其用在於視聽言動之際將以宅天衷奠民極豈形器云乎哉 河間二蘇保殘守缺以開來學

玉海卷三十九

玉海卷第四十

後漢王應麟伯厚

藝文

春秋

杜預曰春秋魯史記之名記事者以事繫日以日繫月以月繫時以時繫年所以紀遠近別同異也故史之所記必表年以首事年有四時故錯舉以為所記之名周禮有史官掌邦國四方之事達四方之志諸侯亦各有國史大事書之於策小事簡牘而已周德既衰官失其守諸所記注多違舊章

仲尼因魯史成文考其真偽而志其典禮上以遵
周公之遺制下以明將來之法蓋周公之志仲尼
從而明之何休曰夫子之作春秋將以變周之文
從先代之質范甯曰平王東遷周室微弱王道蓋
衰夫子傷之乃作春秋所以明黜陟著勸戒成天
下之事業定天下之邪正使夫善人勸淫人懼胡
安國曰春秋乃史外傳心之要公好惡則發乎詩
之情酌今古則貫乎書之事與常典則體乎禮之
本忠恕則導乎樂之和著權制則盡乎易之變
以傳為按則當閱左氏玩辭以義為主則

習公穀

漢一十三家春秋 四家 公羊穀梁外
傳

藝文志春秋二十三家九百四十八篇省太史公四篇古經

十二篇經十一卷公羊穀梁二家左氏傳三十卷丘明魯而

左氏微二篇國語二十一篇新國語劉向五十四篇

皆左氏之學也公羊傳十一卷高齊人外傳五十篇章

句三十八篇雜記八十三篇公孫弘傳云顏氏記十

一篇董仲舒治獄十六篇皆公羊之學也穀梁傳十

一卷魯人外傳二十篇章句三十二篇皆穀梁之學

嘉靖庚戌年

也鄒氏夾氏傳皆十一卷有錄無書公穀立學官鄒氏無師夾氏未

有鐸氏微三篇史記諸侯表云楚桓王大傳鐸椒為

王不能盡觀春秋採取成敗為四十章者也虞氏微

傳二篇別錄云左丘明授曾申曾申授吳起吳

起授其子期期授楚人鐸椒鐸椒作抄撮八卷授虞

卿虞卿作抄撮九卷授荀卿荀卿授張蒼者也又有

張氏微十篇議奏三十九篇微謂釋若世本十五篇

戰國策三十三篇秦奏事二十篇楚漢春秋九篇太

史公百三十篇十篇有錄無書馮商續七篇太古以來年紀

二篇漢著記百九十卷終於漢大年紀五篇皆史官

春秋一

所記春秋之流也王者世有史官左史記言右史記

事事為春秋言為尚書仲尼以魯周公之國史官有

法與左丘明觀史記據行事有褒貶不可書見口授

子弟退而異言丘明論本事作傳明夫子不以空言

說經也末世口說流行故有公羊穀梁鄒夾之傳四

家之中公羊穀梁立於學官

漢春秋古經 古文春秋

志見上周禮注小宗古文春秋經公即位為公即

立正義古文春秋者游藝文志云春秋古經十二卷

是此古文經所藏之書文帝除挾書律此本然後行

古文春秋

於世 史記 吳太伯世家余讀春秋古文 自序余

聞之董生春秋文成數萬其指數千注張晏曰春秋

萬八千字 正義左氏丘明所修皆古文舊書多者

二十餘通藏於秘府伏而未發漢武帝時河間獻左

氏及古文周官成帝時劉歆校秘書見府中古文春

秋左氏傳大好之傳多古字古言學者傳訓詁而已

及歆引傳文釋經轉 說文 孔子書六經

左丘明述春秋傳皆以古文 禮記正義案古春秋

左氏說周家封夏殷之 為 公 公羊傳莊七

年四月不脩春秋曰雨 尺而復君子脩之

春秋

實如兩注不脩春秋 記為

春秋 據此傳則孔子未脩之時已謂之春秋

仲尼脩經皆約策書成文丘明作傳博采簡牘

衆記 穀梁疏鄭衆賈逵之徒以為仲尼脩春秋約

之以周禮 聘禮疏服虔注左氏云古文篆書一簡

八字 左傳正義鄭玄注論語序以鉤命決云春秋

二尺四寸書之

五傳

漢藝文志 見上 春秋分為五注韋昭曰謂左氏公羊

三傳

三傳

穀梁鄒氏夾氏

左氏正義大史公十二諸侯年表序云自孔子論

史記次春秋七十子口受其傳魯君子左丘明懼

妄意失真故具論其語成左氏春秋沈氏云嚴氏

春秋引觀周篇云孔子將脩春秋與左丘明乘如

周觀書於周史歸而脩春秋之經丘明為傳藝文

志云左丘明魯史也是言丘明為傳以其姓左故

號為左氏傳也或先經以始後經之事或後經以

終前經之義或依經以辨理或錯經以合異有無

傳之經有無經之傳漢儒林傳又見後漢興張

著賈誼張敞皆修春秋左氏傳隋志左氏家漢初

漢武時河誼為訓故授趙人貫公子長卿授張

禹非成帝禹為蕭望之言左氏望之薦禹徵待詔

授尹更始更始傳子咸及翟方進胡常常授賈護護

授陳欽而劉歆從尹咸及方進言左氏者言左氏

者本之賈護劉歆歆言左丘明好惡與聖人同

後傳建武中鄭興陳元傳左氏學詳見春

秋傳士史通立明授經立傳廣苞諸國蓋當時

有周志晉乘鄭書楚枕等篇聚而編之混成一錄

向使專憑魯策獨詢孔氏何以能殫見洽聞若斯

之傳

公羊疏左氏先著竹帛漢時謂之古學平

帝時立學官

啖氏曰左氏比二傳其功最高博

采諸家叙事尤備

呂氏曰左氏於定哀之間載

孔子之事皆傳聞失實本不曾登聖門

王安石

疑左氏六國時人者十一事

公羊

戴宏序子夏傳與公羊高

設梁疏公羊子名

夏統書曰公羊高乃子夏弟也

高傳子平平傳子

地地傳子敢敢傳子壽至漢景帝時壽乃共弟子

齊人明母子都著於竹帛與董仲舒皆見於圖讖

儒林

傳漢興言春秋於齊則胡毋生於趙則董仲舒

母生與仲舒同業齊之言春秋者宗事之公孫弘

亦頗受焉武帝尊公羊家由是大興胡毋生弟子

嬴公授孟卿睦孟睦孟授嚴本姓彭祖顏安樂由

是有嚴顏之學彭祖授王中中授公孫文東門雲

安樂授陰豐任公有陰任之學六善論云安樂

後傳親春秋又唐檀

惠惠授冥都有筦冥之學

習顏氏馬宮治嚴氏射策甲科鄧暉治嚴氏李意

習嚴氏陳重學顏氏隋志公羊傳十二卷嚴彭

祖讓公羊解詁十一卷漢諫議大夫何休注

傳本何休生條自疏左氏漢時謂之古學公羊

漢世乃興故謂之今學許慎五經異義云古者左

氏說今者公羊說是也

穀梁 吳兢書目秦孝公時人 諡縻 楊士勛疏穀

梁子名俶名淑字元始魯人一名赤 顏師古曰名

始 風俗通穀梁名赤子夏弟子 顏師古曰名

喜受經于子夏為經作傳傳孫卿卿傳申公申公

傳江翁 儒林傳瑕丘江公受穀梁於魯申公傳

魯榮廣皓星公受焉 蔡千秋周慶丁姓皆從廣受

宣帝與穀梁擢千秋為諫大夫尹更始事千秋又

受左氏傳為章句傳子咸及翟方進房鳳江博士

授胡常常授蕭秉君有尹胡申童房氏學 隋志

梁有穀梁傳十五卷漢諫大夫尹更始撰漢儒梁

註更始疏景帝好公羊胡毋之學與仲舒之

義立宣帝善穀梁千秋之學起劉向之意存 按

漢人以公穀為末世口說流行之學見於其言者

又有尸子魯子高子子司馬子子沈子子女子北

宮子之流 葉氏曰公羊穀梁受學於子夏出於

讖緯之書所謂說題辭者其言不經見

鄒氏 王吉傳言通五經能為駟氏春秋 范升傳

奏曰春秋之家又有駟夾

夾氏 漢志鄒氏無師夾氏未有書 史記正義七

錄云建武中鄒夾氏皆絕 隋志王莽之亂鄒氏

無師夾氏亡 孝經序學開五傳注鄒氏傳十二

卷夾氏傳十一卷 穀梁疏五家之傳鄒氏夾氏

口說無文師既不傳道亦尋廢

漢春秋博士 講郎

儒林傳贊武帝立五經博士春秋唯有公羊孝宣立

穀梁 後儒林傳公羊顏嚴穀梁三家皆立博士充

武立十四博士春秋嚴顏嚴彭祖 顏安樂

左氏 漢傳河間獻王立春秋左氏博士劉歆欲列

學官哀帝令歆與博士講論其義博士不肯置對

歆移書責之平帝時立左氏 後傳陳元傳左氏

為訓詁建武初議欲立左氏傳博士尚書 疏 韓 范

升奏左氏淺末不宜立升傳四年正月朝見雲 轆

好公羊衛太子好穀梁有詔太子受公羊不得受

穀梁孝宣為石渠論而穀梁氏興至今與公羊並

存先後所立不必相因升辨難凡十餘上帝卒立

存先後所立不必相因升辨難凡十餘上帝卒立

左氏學太常選博士四人元為第一帝用其次李
封封卒左氏復廢賈逵建初元年奏曰光武奮
獨見之明興左氏穀梁二家先師不曉圖讖故令
中道而廢帝令逵自選嚴顏諸生高才者二十人
教以左氏章紀八年十二月戊申選高才生受

左氏穀梁以扶微學廣異義

公羊

儒林傳

兼用列傳

齊胡毋生為景帝博士與董仲

舒同業仲舒孝景時為博士公孫弘亦頗受焉為博士
授嚴彭祖顏安樂彭祖為宣帝博士疏廣事孟卿
為博士後傳丁恭周澤甄宇習嚴氏建武間為

博士張玄少習顏氏兼通數家法會顏氏博士
玄試策第一拜博士諸生言玄兼說嚴氏宣氏不
宜專為顏氏博士李育習公羊春秋拜博士建初
四年論白虎以公羊義難賈逵

穀梁

傳

瑕丘江公受穀梁於魯申公傳子至孫為

博士宣帝善穀梁說以江公孫為博士周慶丁姓

皆為博士

侯霸車房元為都講

魏志黃初五年

四月置穀梁博士

隋志晉時穀梁范甯注公羊何休注左氏服虔杜預
注俱立國學至隋杜氏盛行服義及公羊穀梁浸微

今殆無師說

王海卷四十

九

晉王接傳謂左氏辭義賅富自是一家書不主為經

發公羊附經立傳經所不書傳不妄起通鑑

荀崧傳左丘明張本繼末發明經意多奇偉公羊高

親受子夏辭義清雋斷決明審穀梁赤師徒相傳文

清義約是以三傳並行莫能孤廢左氏疏賈逵上

春秋大義四十條以抵公穀又與左氏作長義至鄭

康成盛言發墨守起廢疾自此以後二傳遂微左氏

學顯何休序曰賈逵公羊疏賈逵作長

義四十一條云公羊理短左氏理長鄭眾亦作長義

十九條十七事專論公羊之短左氏之長在逵之前

戴宏作解疑論

何氏作墨守以距長義以強義為廢

疾以難穀梁造膏肓以短左氏蓋在注傳之前

梁疏鄭玄六藝論云左氏善於禮公羊善於識穀梁

善於經

漢春秋蕃露

董仲舒傳所著皆明經術之意及上疏條教凡百二

十三篇家志儒而說春秋事得失間舉玉杯蕃露清明

竹林之屬皆所著復數十篇十餘萬言皆傳於後世

仲舒下帷發憤潛心大業令後學者有所統壹為群

三十九

儒首 唐志仲舒春秋繁露十七卷 志同 錄有 崇文

目十七卷其書八十二篇義引宏博然篇第亡外無

以是正又即用玉杯竹林題篇疑後人取而附著云

晁氏志史稱仲舒說春秋數十篇今益而為八十

二篇又通名繁露未詳 陳氏曰通典御覽皆今書所無 中興書

目十卷繁露之名先儒未有釋者案逸周書王會解

天子南而立絕無繁露注云冕之所垂也有聯貫之

象春秋屬辭比事仲舒立名或取諸此 西京雜記

仲舒夢蛟龍入懷乃作春秋繁露 古今注牛亨問

崔豹繁露者何曰綴玉而下垂如繁露也則繁露古

冕之旒似露而垂 史記 上大夫董仲舒推春秋頗

著文焉索隱曰繁露 禮大司樂注董仲舒云成均

五帝之學疏出繁露以為繁多露潤 後漢書明德

馬后紀尤善周官董仲舒書注玉杯蕃露清明竹林

之屬 禮儀志注繁露曰大旱雩祭而請雨 御覽傳

之 輿服志注繁露曰 之在左蒼龍之象 通典亦

志又引 此雨書 通鑑外紀繁露曰推神農以為九皇 太

平御覽寰宇記皆引繁露春秋會解所引十三條

景祐四年四月歐陽脩書其後云今其書纔四十篇

又總名繁露失其真也館中見有八十餘篇多錯亂

重複民間獻三十餘篇其間數篇在八十篇外董生
儒者其論深極春秋之旨然惑於改正朔而云王者
大一元者牽於其師之說不能高其論以明聖人之
道 慶曆七年二月樓郁序曰公羊之學後有胡毋
子都仲舒治其說 程大昌曰館本十七卷紹興間
董 所進通以繁露冠書而王杯清明竹林特各居
篇卷之一有垂旒凝露之象王杯竹林同為託物漢
魏人為文名連珠其殆繁露之自出歟 大昌為演蕃
露十四卷又續六卷 樓鑰曰潘景憲本有八十二
篇說文引仲舒在王道通三第四十四篇傳中對越

春秋

三仁之問朝廷有大議使使者及廷尉張湯就其家
問之求雨止雨三策仁愛陰陽德刑之類皆在書中
又有言曰不由其道而勝不由其道而敗真得夫子
心法 八十二篇 始楚莊王三篇闕 王杯第二竹林
終天道施三篇闕 第三王英第四
第一卷 楚莊王王杯二竹林三王英精華四王道五滅
國上下隨本消息盟會要正貫十指重政六服制象
二端符瑞俞序離合根立元神保位權七考功名通
國身三代改制一作文質官制象天堯舜湯武服制
八度制爵國仁義法必仁且知九身之養對膠西合
作江都觀德奉本十深察名號實性諸侯 行闕文

嘉靖庚戌年

二篇十一 為人者天五行之義陽尊陰卑王道通三
天容天辨在人陰陽位 十二 陰陽終始陰陽義陰陽
出入天道無二暖燠執多基義闕文一篇 十三 四時
之副人副天數同類相動五行相勝相生五行逆順
沿水五行 十四 治亂五行五行變救五行五事郊語
十五 郊義郊祭四祭郊祀順命郊祀對 十六 執贄山
川頌求雨止雨祭義循天之道 十七卷 天地之行威
德所生如天之為天地陰陽天道施第八十二王杯
竹林二篇之名未有以訂之

仲舒對策云孔子作春秋先正王而繫以萬事見素

王之文馬 仲舒曰詩無達詁易無達吉春秋無達
辭

漢春秋决獄

志 儒家董仲舒百二十三篇春秋有公羊董仲舒治
獄十六篇 隋志 仲舒春秋决事十卷 唐志 法家
仲舒春秋决獄十卷 黃氏正 前傳 淮南衡山反使
仲舒弟子呂步舒治淮南獄以春秋議顛斷於外不
請注 應劭曰 仲舒居家朝廷每有政議遣廷尉張湯
問其得失於是作春秋决獄二百三十二事動以經
對言之詳矣 繁露曰春秋之聽獄也 史記正義七

錄曰春秋斷獄五卷

崇文目春秋決事比十卷

論衡董仲舒表春秋之義稽合於律無乖異者

監

鐵論春秋之治獄論心定罪志善而違於法者免志惡而合於法者誅

終軍詰徐偃 雋不疑論衛太子 龔勝議朱博

中丞衆奏薛況

漢左氏訓故 章句 條例 左氏國語

解詁 經傳義詁 長經 釋例 三家

經本訓詁

前儒林傳

又劉漢興北平侯張蒼及梁太傅賈誼張

敞劉公子皆修左氏傳誼為訓故授趙人貫公為河
間獻王博士尹更始受左氏傳取其變理合以為章
句傳子咸及翟方進房鳳與劉歆共校書歆校秘
書見古文左氏傳好之時尹咸治左氏共校經傳歆
畧從咸及方進質問大義初學者傳訓故而已及歆
引傳文解經由是章句義理備焉歆曰春秋左氏可
立哀帝納之以問諸儒皆不對唯房鳳王龔許歆共
移書責太常博士正義云鄭興父子及歆創通大義
鄭興傳從歆講正大義歆使撰條例章句傳詁言左
氏者多祖於興子衆作春秋難記條例又作春秋隋

志衆撰左氏條例九卷 唐志衆牒例章句九卷

陳元傳父欽事賈護元傳父業爲之訓詁 見上

賈逵傳九世祖誼父徽從劉歆作左氏條例二十一

篇逵兼通五家穀梁之說尤明左氏傳國語爲解詁

五十一篇 左氏三十篇國語二十一篇 永平中上疏獻之顯宗重

其書寫藏秘館建初元年詔入講左氏傳使出左氏

大義長於二傳者逵具條奏適出三十事其餘同公

羊者什七八左氏義深君父公羊多任權變且五經

家無以證圖識明劉氏爲堯後者左氏獨有明文帝

嘉之令選公羊嚴顏諸生二十人教以左氏與簡紙

經傳各一通 竹簡及紙也 八年詔選高才生受左氏逵所

著經傳義詁及論難百餘萬言 詩疏引賈逵注左傳 隋志春

秋釋訓一卷左氏經傳朱墨列一卷逵撰春秋左氏

長經二十卷漢侍中賈逵章句左氏解詁三十卷春

秋二家經本訓詁十二卷 宋有三家經二卷亡注外唐志無經本二字

傳國語二十卷 唐志逵左氏長經章句二十卷

李育傳習公羊作難左氏義四十一事與諸儒論於

白虎觀以公羊義難賈逵 何休追述育義難二傳

穎容傳善春秋左氏著條例五萬餘言 隋志春秋

釋例十卷 唐志七卷 漢公車徵士穎容撰 正義引穎氏詩疏引穎子容

五石精刊

監生濮天輝刊
釋例云大廟有
八名其體一也

玉海卷四十一

十五

范曄論曰鄭賈之學為諸儒宗桓譚以不善識流亡

鄭興以遜辭僅免賈逵能附會文致最差貴顯世主

以此論學悲哉正義引逵春秋序其處者為劉氏

世先儒無以自申挿注此辭將以媚於世又引劉

賈先儒云劉賈許穎既不守例又亦不能盡通

漢春秋議

前儒林傳武帝時董仲舒通五經能持論江公呐於

口治穀上使與仲舒議不如仲舒而丞相公孫弘本

為公羊學比輯其議卒用董生上因尊公羊家詔大

春秋

子受之榮廣傳春秋於江公與公羊太師睦孟等論

數困之隋志何休春秋漢議十二卷鄭玄駁何氏

漢議二卷梁有服虔漢議駁二卷唐志十一卷又有孔融

春秋雜議難五卷麋信理何氏漢議二卷魏人春秋

議十卷何休唐志何休漢議十卷鄭玄駁麋信注

後傳何休以春秋駁漢事六百餘條妙得公羊本

意服虔又以左傳駁何休所駁漢事六十條

漢殿中議公穀同異

儒林傳宣帝聞衛太子好穀梁問韋賢夏侯勝史高

皆魯人言穀梁本魯學公羊乃齊學也宜與穀梁自

嘉靖初年

元康中始講授郎十人至甘露元年積十餘歲皆明習召五經名儒太子大傳蕭望之等太議殿中平公穀同異時公羊嚴彭祖申輓伊推宋顯許慶穀梁尹更始劉向周慶丁姓王亥議三十餘事望之等十一人各以經誼對多從穀梁

漢春秋左氏圖

隋志十卷漢太子大傳嚴彭祖撰唐志七卷止又古

令盟會地圖一卷十

冥氏春秋

禮冥氏注鄭司農云冥讀為冥氏春秋之冥疏冥氏

春秋

春秋者冥氏作春秋書名若晏子公氏春秋之類漢儒林傳堂谿惠授泰山冥都路廣授琅邪筦路春路事顏安樂故顏氏有筦冥之學

春秋五始

王褒傳春秋法五始之要在審已正統歸姑妣胡廣曰五始一政四時之始王即受命之始正始者胡廣曰五始一曰元二曰春三曰王四曰正月五曰公即位

漢定春秋章句公羊春秋外傳旨義

傳鍾與受嚴氏春秋光武詔令定春秋章句去其復重以授皇太子又傳宗室諸侯從興受章句樊脩

刪定公羊嚴氏章句號樊侯學 張霸以樊儵刪嚴氏春秋猶多繁辭臧定為二十萬言更名張氏學

駁經義遷光祿昭親興 楊終著春秋外傳十二篇

改定章句十五萬言 北海敬王睦顯宗時作春秋旨義終始論 隋志漢末郝萌集圖緯讖雜占為五十篇 十五卷謂之春秋災異

漢春秋刪

鄭眾傳 從父興受左氏春秋肅宗時受詔作春秋刪十九篇 孔奮傳從劉歆受左氏春秋子奇作左氏春秋

刪其說嘉作左氏說

漢五家穀梁說 章句

賈逵傳 能誦左氏傳雖為古學兼通五家穀梁之說

注尹更始劉向周慶丁姓王亥見前書 前儒林傳

尹更始事蔡千秋又受左氏傳取其變理合者為章句 隋志十五卷 梅福傳明穀梁春秋

漢公羊解詁 條例

何休傳 作公羊解詁覃思不闕門十有七年又注訓孝經論語風角七分與其師博士羊弼追述李育之意以難二傳作公羊墨守 言不城故如墨翟左氏膏肓十卷 穀梁廢疾 三卷

鄭玄傳 乃發墨守鐵膏肓起

廢疾休見而歎曰康成人吾室操吾矛以伐我乎

禮記鄭注因說方氏之明堂位康成引墨守章句言

公羊疏禮大司徒疏禮器疏引墨守文選義羽翮

守隋志公羊解詁十一卷漢諫議大夫何休注

解詁卷公羊左氏膏肓十卷崇文目第九卷關公羊

墨守十四卷唐志公羊益例一卷梁有公羊傳條例

一卷並何休撰穀梁廢疾三卷何休撰鄭玄釋張靖

箋穀梁張靖撰廢疾左氏膏肓釋病十卷服虔撰

經序序依胡毋生條例隱括就繩墨講誦師言至

於百萬猶有不解馮顏胡毋生本雜以公羊

經傳授董氏猶自別作條例故何氏取之荀爽傳

著春秋條例作公羊問及辨識隋志公羊傳問答九

羊論二卷晉庾翼問王愨期答劉陶傳詔次第春秋條例蜀志

孟光好公羊而譏呵左氏吳志唐固為公羊穀梁

傳注又國語注晁氏志董仲舒以公羊顯又四傳

至何休鄭玄曰公羊善於識伏注引識家多公羊疏

三十卷徐彥撰以何氏三科九旨為宗本其說曰何

氏之意三科九旨正是一事爾總而言之謂之三科

析而言之謂之九旨新周故宋以春秋當新王此一

科三旨也所見異辭所聞異辭所傳聞異辭此二科

六旨也內其國而外諸夏內諸夏而外夷狄此三科九旨也

何氏作文謚例云此春秋五始三科九旨七等六轉二類之義三科九旨見上五始者元年春王正月公

即位是也七等者州國氏人名字子是也六輔者公

輔天子卿輔公大夫輔卿士輔大夫京師輔君諸夏

輔京師是也二類者人事與災異是也宋氏注春

八三科者一曰張三世二曰存三統三曰異外內九

者一曰時二曰月三曰日四曰王五曰天王六曰

七曰譏八曰貶九曰絕時與日月詳畧之旨也

王與天王天子是錄遠近親疎之旨也譏與貶絕則

輕重之旨也按三統曆云春為陽中萬物以生秋

為陰中萬物以成故名春秋欲使人君動作不失中

也晁說之曰何休持負於公羊之學五始三科九

旨七等六輔二類七缺之設何其紛紛邪既曰据百

二十國寶書而又謂三世異辭何耶春秋說云有七缺夫

漢三傳異同說

馬融傳融欲訓左氏春秋及見賈逵鄭衆注乃曰賈君精而不博鄭君博而不精既精且博吾何加焉但著三傳異同說

漢左氏解詁 達義

隋志左氏傳解詁三十一卷九江太守服虔注左氏
 膏肓釋病十卷春秋成長說九卷塞難三卷服虔撰
 梁有左氏達義一卷漢司徒掾王玠撰左氏傳三十
 卷王肅注董遇章句三十卷孫毓義注十八卷又賈
 服異同畧五卷王朗注十二卷漢諸儒傳左氏者甚
 衆賈逵服虔並為訓解至魏遂行於世晉時服杜注
 俱立國學而唯傳服義至隋杜氏盛行服義浸微
 正義中興以後陳元鄭衆賈逵馬融延篤彭仲博許
 惠卿服虔穎容之徒皆傳左氏魏世則王肅董遇為

春秋

之注

正義多引服虔其文甚難服

後漢傳服虔

春秋左氏傳解行之至今又左傳駁何休之所

漢事六十條儒林謝該明春秋左氏建安初樂

條左氏疑滯數十事問謝該皆為通解之名謝大

疑滯二事今左氏樂氏問延篤從唐溪典受左氏論

解經傳多駁正後儒服虔等以為折中鄭玄通公

羊又從張恭祖受左氏馬嚴通左氏孔喬學左

氏蜀志尹默傳益部多貴今文不崇章句默從司

馬德操宋仲子等受古學皆通諸經史又專精於左

氏春秋自劉歆條例鄭衆賈逵父子陳元服虔注義

咸畧誦述 北齊書姚文安難服虔解七十七條
曰駁妄李崇祖申明服氏名曰釋謬

漢國語解詁見上

賈逵傳為國語解詁二十一篇 隋志春秋外傳

語二十卷 賈逵注 鄭衆作國 唐志王

國語章句二十二卷 唐固虞翻韋昭注 孔晁解各二

十一卷 吳韋昭集鄭賈 史通左丘明既為春秋

傳 韋昭注國語謂 又稽逸文纂別說分周魯齊晉

楚吳越八國事起周穆王終魯悼公為外傳國語二

十一篇 儲或重其文以方內 左傳正義傳玄云

語非丘明所作有共說一事而二文不同 吳志注

沈玠尤善春秋內外傳 唐志雜家類晉孔衍春秋

時國語十卷 春秋後國語十卷 唐盧藏用春秋後語

十卷 唐柳宗元非國語二卷 劉瓛外傳見竹書

紀年 宋庠補音三卷 治平元年上之二月二 劉

攸解駁左氏為內傳國語十卷

漢書口左丘明為傳又纂異同為國語司馬遷援左

氏國語 孔晁云左丘明集其與雅令辭與經相發

明者為春秋傳其高論善言別為國語

漢春秋圖緯

列傳魏朗字少英從博士邵仲信學春秋圖緯注孔子作春秋緯十二篇黨錮賈逵永平中上言左氏與圖讖合者寫傳詒藏之秘書荀爽作公羊問及辨讖明紀永平八年十月壬寅詔日食之變其災尤大春秋圖讖所為至醜隋志梁有春秋緯三卷宋均注史記孔子曰我欲載之空言正義此春秋緯文

春秋命歷序

詩生民疏緯候之書及春秋命歷序立五帝傳世之事為毛說者皆所不言鄭信讖緯以命歷序云少昊

春秋

傳八世顯瓊傳九世帝譽傳十世

春秋少陽篇

論語正義案春秋少陽篇伯夷叔齊姓名字謚百虎通春秋文義曰天子之社稷廣五丈諸侯半之

魏春秋說要 二傳論

隋志春秋說要十卷魏樂平太守糜信撰春秋三傳論十卷魏大長秋韓益撰魏志孫叔然作周易春秋例毛詩禮記春秋三傳國語爾雅諸注蜀志李譔著古文易尚書毛詩三禮左氏傳太玄指歸皆依準賈馬異於鄭玄吳志士燮耽玩春秋為之注解素

徽與荀或書曰今欲條左氏尚書長義上之魏畧
鍾繇不好公羊而好左氏謂左氏為太官而謂公羊
為賣餅家數與嚴幹共辨析長短

晉經傳集解 釋例 長曆 盟會圖

隋志春秋左氏經傳集解三十卷杜預撰梁有服虔

卷二唐志釋例十五卷梁有齊杜預音左氏傳評二

卷並預杜預序集解一卷劉炫注梁有春秋古今盟

會地圖一卷杜預傳進爵當陽侯立功之後阮思

經籍為春秋左氏經傳集解分經之義類隨而解之又

參考衆家譜第謂之釋例又作盟會圖春秋長曆備

春秋

成一家之學比老乃成又撰女記讀秘書監摯虞曰
左丘明本為春秋作傳而左傳遂自孤行釋例本為
傳設而所發明何但左傳故亦孤行武帝謂預曰卿
有何癖對曰臣有左傳癖序傳或先經以始事或
經後以終義或依經以辯理或錯經以合異隨義而
發其例之辨重其發凡以言例皆經國之常制周公
之垂法史書之舊章仲尼脩之以成一經之通體其
微顯闡幽裁成義類者皆據舊例而發義指行事以
正褒貶諸稱書不書先書故書不言不稱書曰之類
皆所以起新舊發大義謂之變例然亦有史所不書

即以為義者此蓋春秋新意故傳不言凡曲而暢之
 其經無義例因行事而言則傳直言其歸趣而已非
 例也預專脩在明之傳以釋經經之條貫必出於傳
 傳之義例總歸諸凡推變例以正寢貶簡二傳而去
 異端蓋在明之志也劉子駿創通六義賈景伯連父
 子許惠卿淑皆先儒之美者穎子嚴容淺近亦名家故
 舉劉賈許穎之違以見同異正義云服虔論徒分經
 之年與傳之年相附比其義例各隨而解之名曰經
 傳集解正義集解別集諸例及地
 名譜第層數相與為部凡四十部十五卷皆顯其異

春秋

同從而釋之名曰釋例

正義云釋例終篇云稱凡者

第二凡其義不異故也釋例四十部無凡者十五終

篇云諸凡雖是周公之舊典立明撮其體義約以為

言非純馮故典之文也隋發傳之體有三列發凡正

志春秋五十凡義疏二卷歸趣非例為例之情有五微而顯志而晦婉而成章

盡而不汙懲惡而勸善左傳正義杜別集諸例從

而釋之事同則為部小異則附出孤經不及例者聚

於終篇其四十部次第從隱即位為首先有其事則

先次之唯世族土地事既非例故退之於後終篇宜

最處末故次終篇之前終篇處其終土地之名起於

宋衛遇于垂世族譜起於無駭地名在世族之前天

居世前內反三

子之見於經者三十有二稱天王者二十五稱王者
 六稱天子者一 梁諸儒為左氏學者皆以賈服義
 難駁杜預凡一百八十條王元規引證通折無滯著
 春秋發題辭及義記十一卷左傳音三卷崔靈思左
 氏經傳義二十二卷左氏條例十卷天監中靈思申
 服難杜著左氏條義以明之虞僧誕申杜難服世並
 傳焉靈思又有公毅文句義十卷 後魏衛冥隆精
 服氏學難杜氏六十三事賈思同駁冥隆十餘條互
 相是非積成十卷詔下國學集諸儒考之

晉春秋條例 牒例

春秋

精三傳辨正公羊以為衛輒不志辨以王
 受命祭仲夫為臣之節又撰春秋條例二卷隋
 志春秋條例十一卷唐志晉劉寔撰經例十二卷方
 寔撰左傳例苑十九卷劉寔等集解春秋序一卷春
 秋序論二卷于寔撰括囊二卷于寔撰春秋
 官凡數十篇注周唐志劉寔左氏牒例二十卷
 晉春秋釋疑 春秋調人 左氏全綜
 三傳為解注撰春秋釋疑凡所述七
 劉兆以春秋一經三家殊塗諸儒是非紛
 乃思三家之異合而通之取周官調人

之義作春秋調人七萬餘言論二首是使大義無乖
 不合者舉其長短以通之又為春秋左氏解名曰全
 然公羊穀梁解詁皆納經傳中朱書以別之又撰周
 易訓注凡所類述百餘萬言唐志劉兆三家集解
 十一卷隋志劉兆公穀集傳十二卷

皆王接注公羊

王接謂公羊附經立傳經所不書傳不妄起於文為
 儉通經為長任城何休訓釋甚詳而黜周王魯大體
 平以公羊通公羊穀梁還為公羊疾病接更注公羊
 傳多自注又撰列女後傳七十二人喪亂盡失

夏子愆期緣父本意更注公羊又集列女後傳云

隋志公羊傳十三卷唐志晉散騎侍郎王愆期撰

公羊傳十三卷梁有高龍注公羊十二卷孔衍集解十

四卷正義引王愆期注公羊傳本云孔氏例序一卷

虞夏傳注春秋經傳郭瑤傳作春秋墨說孝經

錯緯載記石季龍遣國子博士詣洛陽寫石經校

中經于秘書國子祭酒聶熊注穀梁春秋列于學官

晉穀梁集解

范甯傳甯字武子以春秋穀梁氏未有善釋遂沈思
 積年為之集解其義精密為世所重既而徐邈復為

之注

臨川徐邈撰五卷音訓所注梁傳見

隋志穀梁傳十二卷范甯集解傳例一卷甯撰

穀

梁先有尹更始隋志梁有唐固封三糜信封二孔

衍

卷封四江熙禮志三卷段肅卷十四張靖卷十一等十餘

家注解范甯以為書次乃商畧名例為集解十二卷

例

一卷隋志同一百餘所甯子泰雍凱從弟

及其父

汪門生故吏商畧同異撰諸子之言各記姓

名

文中子范甯自注序曰左氏豔而富其失巫

穀梁清而婉其失短公羊辨而裁其失俗左氏有服

杜之注公羊有何嚴之訓是說之曰穀梁晚出於

漢因得監省左氏公羊之違畔而正之至其精深遠

大者真得子夏之所傳范甯又因諸儒而博辨之申

穀梁之志也其於是非亦少公矣非若征南一切申

傳汲汲然不敢異同也晁公武曰三傳之學穀梁所

得最多諸家之解范甯之論最善

隋志

徐乾注十三卷胡訥集解十卷錄云十卷序程

闡

十卷孔君指訓十卷張程孫劉四家集解四卷殘

劉兆

公羊穀梁傳十二卷北傳為公羊

晉春秋後語

見續春秋

唐志盧藏用春秋後語十卷

晉春秋博士

荀崧傳元帝踐阼太興初轉太常時左傳杜氏服氏各

置博士一人其公羊穀梁省不置崧上疏曰春秋公

羊其書精隱明於斷獄穀梁簡約隱要孔子作春秋

左丘明子夏造郊親受無不精究丘明撰所聞為傳

其書善禮多膏腴美辭張本繼末以發明經意信多

奇偉儒者繇公羊高親受子夏立於漢朝辭義清俊

斷決明審多可採用董仲舒之所善也穀梁亦師徒

相傳暫立於漢時劉向父子猶執一家莫肯相從其

言文清義約諸所發明或在氏公羊所不載亦足訂

正是以三傳並行博士宜各置一人以傳其學元帝

詔曰穀梁膚淺不足立博士餘如所奏見宋志魏

黃初五年四月置春秋穀梁博士

北史趙世業家有服氏春秋是晉世永嘉舊寫徐遵

明往讀之因手撰春秋義章為三十卷劉獻之三傳

畧例三卷李鉉撰定三傳異同唐志李鉉一傳齊

書永明八年晉安王子懋撰春秋例苑三十卷奏之

武帝敕付祕閣梁書劉之遴著春秋大意三傳同

異合三十事武帝詔答曰丘明傳洙泗之風公羊宗

西河之學張蒼傳左氏賈誼襲荀卿源本分鑿指歸

殊致 隋志春秋五辯二卷梁五經博士沈宏撰春

秋三傳評十卷胡訥撰左傳述義四十卷劉炫撰

崇文目一卷 唐志梁簡文帝左氏傳例苑十八卷隋

劉炫攻昧十二卷規過三卷正義引劉述議三十七

卷幸惠源集注春秋三傳三十卷

唐六十六家春秋

藝文志春秋六十六家一百部一千一百六十三卷

始於左丘明外傳國語次董仲舒繁露終於楊士勛

穀梁疏失姓名五家 左氏之學有賈逵董遇王肅王

朗杜預鄭衆穎容劉寔服虔孫毓梁簡文殷興何始

春秋

真張冲孔穎達之屬公羊之學有董仲舒嚴彭祖

休孔氏王愆期之屬穀梁之學有尹更始段肅唐固

麋信張靖程闡孔衍范甯徐乾徐邈沈仲義蕭遙江

熙楊士勛之屬三傳則有劉兆韓益胡訥潘叔度李

鉉之學國語則有王肅唐固虞翻韋昭孔晁之學又

有士燮之注經干寶之義傳吳略之詭例京相璠

啓期之地名大夫譜王延之李謚之旨通叢林崔

恩沈宏文阿之義解義畧劉炫之攻昧規過及答問

辭苑辨證義難之流不著錄者始於王玄度注左氏

傳左氏有纂要集傳義疏音注序釋疑事類公毅有

總例以三傳名書有異同指要總例以春秋名書有
 後語振滯通圖集注集傳纂例微旨辨疑加減指掌
 指元通例折衷義鑑而終以柳宗元非國語凡二十
 二家四百三卷 隋志九十七部九百八十三卷
 崇文目三十三部三百九十六卷 中興目一百二
 十三家一千四百八十卷 續書目十八家二十部
 四百卷

唐春秋正義

志春秋正義三十六卷孔穎達谷那律楊士勛朱長
 才奉詔撰馬嘉運王德韶蘇德融隨德素等對趙弘

考覆審永徽四年序曰前漢傳左氏者有張蒼
 賈誼尹咸劉歆後漢有鄭衆賈逵服虔許惠卿等各
 有詁訓然雜取公穀以釋左氏晉杜元凱為集解專
 取丘明之傳以釋孔氏之經晉宋傳授以至于今為
 義疏者有沈文何蘇寬劉炫沈氏於經傳極疎蘇氏
 唯旁攻賈服劉炫實為翹楚而性好非毀規杜氏之
 失凡一百五十餘條然此諸義疏猶有可觀今據以
 為本其有疎漏以沈氏補焉宋麟訛於正十一月志
 又有楊士勛穀梁疏十二卷徐文遠左傳義疏六十
 卷 書目穎達參劉沈之說兩義俱違則斷以己意

崇文目春秋正義三十六卷穀梁公羊疏各三十卷公羊疏不知撰人書目云隋志沈文何左氏經傳義畧二十五卷王元規續十卷義疏闕下陳成之劉炫左傳述義四十卷

唐春秋通例

韓滉傳治易春秋著通例及天文事序議各一篇韓滉春秋通例及天文志韓滉春秋通一卷陸希聲春秋通例三卷

韋瓘春秋通例三卷韋瓘春秋通例及天文志韓滉春秋通一卷陸希聲春秋通例三卷

唐春秋集傳纂例唐春秋集傳纂例

啖助傳善為春秋考三家短長縫旋漏闕疏集傳啖助傳善為春秋考三家短長縫旋漏闕疏集傳

十年乃成復攝其綱條為例統門人趙康陸質其為第也名質本質與其子異哀錄助所為春秋集注總例請康損益質纂會之號纂例志陸質集注二十卷纂例十卷纂例十卷旨二卷旨二卷辨疑七卷辨疑七卷陸質著集注二十卷類禮二十卷君臣

九年給事中陸質著集注二十卷類禮二十卷君臣圖翼三十五卷唐春秋義統

唐春秋義統

書目春秋闡微 纂類義統十卷 皇朝章拱之作春秋

統微序趙氏集談 氏統例集注二書及已說可以例舉

者為闡微義統 二卷 第三四卷亡逸 今本同趙康

字伯循 國志曰 文中子世家王述著春秋義統

唐春秋 纂要 經傳要畧 御集列國經

傳

志高重春秋纂要 四十卷 重士廉五代孫文宗時翰

林侍講學士帝好之 氏春秋命重分諸國各為書別

名經傳要畧 經解之 高重經傳 許康佐集左氏傳三

卷 一作文宗傳 宋 實錄太和九年四月癸亥許

注進纂集左氏傳三十卷 五月乙巳朔以御集左

氏列國經傳三十卷 宣付史館 會要大和九年五

月御集春秋左氏列國經傳三十卷

唐春秋摘微

書目盧仝春秋摘微一卷 十二公凡七十六事 見

氏志 唐盧仝春秋摘微四卷 其經解不用傳然旨意

甚疎 韓愈謂獨抱遺經究終始 蓋實錄也 祖無擇得

之於金陵 崇文日不載

唐三傳異同

會要元和四年四月給事中馮伉著三傳異同三卷

志馮伉三傳異同三卷李氏三傳異同例十三卷
元中失名劉軻三傳指要十五卷序云先三傳以精

妖說有註說于經三家
唐春秋加減

志一卷元和十三年國子監修定書目一卷崇啟

唐三傳總例九經師授譜春秋通例

韋表微傳敬宗時為翰林學士遷中書舍人尤好春

秋病諸儒執一槩是非紛然著三傳總例志卷二全會

經起以學者薄師道不如聲樂賤工能尊其師著

九經師授譜詆其遺譜一卷志成玄公公穀

總例十卷咸通山陽令陸希聲春秋通例李氏三傳異同

例見上

比史張思伯善說左氏撰刊例十卷

唐春秋圖

志張傑春秋圖五卷又春秋指元十卷崇文目春秋

指元十卷書目春秋圖一卷唐會昌中黃敬密撰國史

春秋兩霸列國指要圖春秋名號歸一圖二卷名字

同異錄五卷蜀馮繼先撰春秋龜鑑圖一卷張暄撰

自魯周迄陳蔡載其名氏崇文目春秋圖五卷演

左傳謚族圖五卷春秋名號歸一圖二卷左氏所書號或爵謚多互見取以系名下

唐春秋指掌圖

志李瑾十五卷書目卷同李瑾集諸家之說為序

義凡例各一篇抄孔穎達正義為五篇采摭餘條為

碎王一篇集先儒異同辨正失得為三篇取劉炫規

過申訂其義為三篇大抵專主杜學崇文目同國

史志春秋指掌圖二卷融據李瑾指掌為圖不著姓

唐春秋折衷

志陳岳三十卷唐末江西從事晁氏志春秋折衷論三十

春秋

卷陳岳撰以左氏為上公羊為中穀梁為下以其異

同而折中之書目春秋折衷論記三傳異同參求

其長

唐春秋義鑑

義畧

志郭翔春秋義鑑三十卷類書類在儒家章懷太子

春秋要錄十卷隋書張冲字叔元撰春秋義畧隋

張冲三卷

春秋十二年曆

國史志一卷不知撰人春秋新義十卷林駮辨國語

三卷

見御製

天禧春秋要言

天禧春秋纂類 集議專論 統微 通

義 會義 機括

書目天禧中葉清臣取左氏傳隨事編類為二十六門十卷名春秋纂類慶曆中大理丞李堯俞辨三傳諸家得失及采陳岳折衷總其類例五百餘目而成一百九十五論進表稱春秋集議畧論三十卷今分上下二卷童拱之統微二十五卷據三傳啖趙意所不及者斷以己見并采陸淳可取之義至和

中太常博士王哲撰春秋通義十二卷據三傳注疏及啖趙之學其說通者附經文之下缺者用己意釋之又異義十二卷皇綱論五卷二十三篇論辨大嘉祐中杜誦撰春秋會義二十六卷自左氏至啖趙及皇朝諸儒三十餘家集其論議繫經下釋例繫經疏統通例異篇指掌碎玉折衷掌議纂例辨疑微旨要義通例胡氏論箋義總論專王發微本旨辨要旨要義一索隱新義仍社以己意元豐中沈括撰春秋義括三卷上卷以魯公甲子紀周及十二國年譜中卷載周及十二國譜系世次下卷記列國公子諸臣名氏其無異名者不錄

景祐表 秋集傳 春秋要論

元年正月甲戌十三河北漕臣王公上集傳十五卷

直昭文館十二月二十一日崇政殿說書賈昌朝

春秋要論十卷五冊能謝姬點點詔令舍人院試二卷

二月五日詔直集賢院

慶曆中國子監直講孫復著尊王發微十二篇大約

本於陸淳而增新意書目類例二卷又總論三

皇祐春秋列國類纂左百秋辨要

嘉祐三年宋敏修上所著列國類纂四月十三日

嘉祐三年楊繪獻書意詩旨春秋辨要十

嘉祐三年二月二十六日命為集賢校理

嘉祐春秋新意

成都宋堂嘗擬陳子昂作感遇詩以調上建儲事著

蒙書數十篇春秋新意七靈西北民言頗究時務嘉

祐元年翰林學士趙鼎上其所著書十月二十三日

以為四門助教

元豐左氏春秋年表

元豐中楊彥齡撰二卷據經傳歲月為表首叙周魯

繼以齊晉秦宋衛陳蔡曹鄭吳楚越之國其下總記
 戎狄蠻夷之事 紹興中韓璜撰人表一卷環中左
 氏二十國年表一卷列國臣子表十卷中進春秋年
 表五年五月己亥沈與求奏先魯後周非尊王意
 乾德四年四月庚戌國子丞楊均上魯史分門屬類
 表三卷詔褒之 紹興十六年三月鄭邦哲進左氏
 韻類 元祐中晁補之撰左氏雜論一卷指左傳之
 失凡四十六條

宋朝春秋傳

著春秋傳十五卷權衡十七卷說例二卷神

卷例凡 文權二卷意林五卷中興目意無文權
論三傳之失意林叙其 蘇轍傳十二卷本統
之旨劉氏傳其所解經 趙瞻經解義例三十卷春秋論二十卷孫
公穀 覺經社要義六卷分爲類例致據諸傳以解經音
秋學纂十三卷其說以穀梁爲本及承左氏公羊歷代
分莊下 丁副春秋演聖統例二十卷田偉書目
爲上 許洞春秋釋幽五卷 劉熙古春秋極論二篇演例
 三篇 任伯雨釋聖傳十二卷 馬擇言春秋要類
 五卷崇文日 家安國通義二十四卷 張大亨通
 訓十七卷 陸佃後傳二十卷 鄭昂春秋臣傳三

平卷以人附而名者又九計五黎錞春秋經解十二

卷劉綯春秋五卷王雷春秋十二卷列國諸臣

傳五十一卷馮正符得法忘例論三十卷其說

詳不務通經旨馮山通解十二

卷余安行新傳十二卷張根春秋指南十卷

會國胡銓集善十三卷鄭樵傳十二卷春

秋考十二卷文音義葉夢得春秋讖三十卷

劉本春秋中論三十卷高高閑春秋集注

洪興祖春秋本旨二十卷薛季宣經

指要十四卷序言諸呂本中集解十二卷呂祖

謙左傳類編六卷陳傅良春秋後傳左氏章句四

十二卷建炎春秋時論春秋類纂

書目一卷建炎中李棠撰專來時議為論一十八篇

鄭績采左氏為紀傳六十卷名春秋類纂

紹興春秋口義

二年十一月辛酉詔自今住講日今經筵官輪進春

秋口義一授至開講日如舊三年二月丁亥朔右諫

議徐楠進春秋解義至天王使宰渠伯糾來聘用左

議徐楠進春秋解義至天王使宰渠伯糾來聘用左

議徐楠進春秋解義至天王使宰渠伯糾來聘用左

議徐楠進春秋解義至天王使宰渠伯糾來聘用左

議徐楠進春秋解義至天王使宰渠伯糾來聘用左

議徐楠進春秋解義至天王使宰渠伯糾來聘用左

議徐楠進春秋解義至天王使宰渠伯糾來聘用左

議徐楠進春秋解義至天王使宰渠伯糾來聘用左

議徐楠進春秋解義至天王使宰渠伯糾來聘用左

議徐楠進春秋解義至天王使宰渠伯糾來聘用左

氏說父在故名上謂俯曰魯威公篡立天王嘗致討
 既四年不問乃使其宰往聘失政刑矣故書名以夏
 之戊子俯乞編之記注 紹興中侍講朱震講義三
 卷 侍講范冲左氏講義四卷

紹興春秋傳

建炎二年六月戊辰江端友請下湖州取崔子方所
 著春秋傳藏秘書經解十二卷本例例要一卷之經
 紹興五年四月一日詔徽猷待制胡安國經定舊臣
 今以所著春秋傳纂述成書進入十年三月書成上
 之懷云六月詔獎論上賜銀幣凡三十卷十萬餘

言載孟氏而下七家發明綱領之詞于卷首事按左
 氏義采公穀之精者大綱本孟子而微詞多以程氏
 之說為證春秋立法謹嚴傳外復有總貫條例與證
 據史傳及學徒問答二百餘章子寧集錄名曰通旨
 一卷

紹興春秋四講

四年登名世上春秋四講六卷銘以經傳綱領
 人講辨論譜說十篇一卷辨失儒言經傳切三月二十
 五日引見九月六日賜出身充史館校勘 崇文目
 春秋世譜七卷宗族名謚譜五卷 書目 唐楊蘊撰

三十一
五海夷人四十
四十一

春秋公子譜一卷載帝王以來至春秋京兆杜氏春
秋譜六卷唐志顧昉期大夫譜十一卷元祐中孫

子平練鳴道春秋人譜一卷凡編三十六國千七百
六十五人分三卷今合為一

紹興春秋明例 素志

書目一卷紹興中舒州布衣王日休撰凡十篇通謂
之明例又冠以例要例意例釋 又有孫復解三傳
辨失四卷 夏休撰春秋素志三百十五卷凡三百
萬言謂出於元聖素王之志名曰素志又畧其文而
約說之為麟臺獨講十一卷 續目淳熙中晁公武

進故訓傳三十卷

紹興春秋總鑑 春秋正辭

十二年十二月庚申詔董自任上春秋總鑑可采宜
以大學錄之職其書祕省錄進凡十二卷類集本
末而為解義 十三年正月戊午畢良史獻春秋正
辭二十卷詔諫議羅汝楫司業高闕看詳來上特改
京官以正辭十一年六月壬午吳曾獻所著左
氏發揮補右迪功郎

隆興左氏國紀 春秋分記

續目左氏國紀三十卷隆興初徐得之編析諸國之

華海國各繫以年疏其說於後 春秋分記九十卷
程公說撰推春秋旨義即左氏傳分而託焉又旁采
公穀諸子之說附其下又為年表世譜世本及天文
疆域禮樂諸書次國小國著錄 吳元緒鼓吹鄧延
類對文濟道綱領四卷又有蒙求三卷王舜俞序

淳熙春秋集解 春秋通志

二年六月二十二日知潭州林栗著經傳集解三十
二卷乞投進十一年十二月四日上之付祕省 十
二年二月一日任清叟進曾祖伯雨春秋釋經傳十
一卷 十四年九月十七日朱冷進伯父長文春秋

通志十冊 並 書目通志二十卷折衷二德

考啖趙陸漢之說及推演孫復之言

漢時易與論語分為三詩分為四禮分為二及學者
散亡僅存其一餘家皆廢獨春秋三傳並行至今於
聖人之旨各有得焉 漢武宣之世信重其書學士
大夫誦說用以斷獄決事雖萬目未張而大綱克正
其効亦可見矣 箋傳之學惟春秋為難工經理也
史事也春秋名經而實史也專於經則理虛而無證
專於史則事變而不通所以難也 詩正義云漢初

為傳訓者皆與經別行三傳之文不與經連故石經
 書公羊傳皆無經文左氏傳事不傳義是以詳於
 史而事未必實以不知經故也公穀傳義不傳事是
 以詳於經而義未必當以不知史故也社征南作
 釋例啖助作統例陸淳合啖趙之說作纂例韓滉作
 通例陸希聲亦作通例李瑾作凡例孫賈復作總例
 孫復丁副作統例王哲作明例隱括胡安國作通例
 程迥作顯微例目十五卷六葉葉得作指要總例崔子
 方作本例無容左何休荀爽鄭興叔子來貢繼
 夏五之闕良八之占春秋略於元

三海卷第四十一

後儀王應麟伯厚甫

執文

續春秋 又見編年

古者謂史記為春秋後世有所著述多托春秋之
 名其屬辭比事不與春秋相似非史策之正也

夏殷春秋

史通案汲冢璣語記太丁時事目為夏殷春秋

璣語又有晉春秋記獻公十七

年事竹書紀年其所記事皆與魯春秋同孟子曰晉

楚檮杌魯春秋其實一也故墨子曰吾見百國春秋漢家所得書尋亦亡逸今惟紀年瑣語每春在焉

隋志古文瑣語四卷級家書春秋正義水經注引

瑣語

周春秋

周語注周春秋曰云云

晏子春秋

史記墨平仲嬰萊之夷維人事齊靈莊景公以節儉

力行至於齊大史公曰吾讀晏子春秋漢志儒家

晏子八篇名嬰相齊景公隋志唐志儒家晏子春

春秋

秋七卷嬰家之首書目十二卷宗文同或以為後人

乘嬰行事為書故卷頗多於前志曰氏志著其行

事及諫諍之言昔司馬遷讀而高之而莫知其所以

為書或曰晏子之後為之柳宗元辯曰疑其墨子

之徒有齊人者為之言問棗及古冶子等尤怪後

之錄諸子書宜列之墨家非晏子為墨也為是書者

墨之道禮記投壺注引晏子春秋

呂氏春秋呂覽

史記呂不韋傳始皇不韋為相食客三千人是時諸

侯多辯士如荀卿之徒著書布天下呂不韋乃使其

客人人著所聞集論以為八覽六論十二紀二十餘

萬言高誘二訓解以為備天地萬物古今之事號曰

呂氏春秋布咸陽市門懸千金其上延諸侯遊士賓

客有能增損一字者與千金時人無一能損增其書

諸侯年表呂不韋秦莊襄王相亦上觀尚古刪拾

春秋六國事以為八覽八論六論三論十二紀

為呂氏春秋不韋春秋成於始皇八年曰秦

漢書司馬遷傳不韋遷蜀世傳呂

春秋二十六篇注秦丞相不韋輯智畧士作

禮運注呂氏說月令而謂之春秋事類相近焉

禮記諸侯年表又漢趙孝成王時其相虞卿著書

上採春秋下觀近世曰節義稱號揣摩政謀凡八篇

以刺譏國家徑失世傳之曰虞氏春秋太史公曰虞

禮記諸侯年表又漢趙孝成王時其相虞卿著書

上採春秋下觀近世曰節義稱號揣摩政謀凡八篇

以刺譏國家徑失世傳之曰虞氏春秋太史公曰虞

禮記諸侯年表又漢趙孝成王時其相虞卿著書

上採春秋下觀近世曰節義稱號揣摩政謀凡八篇

以刺譏國家徑失世傳之曰虞氏春秋太史公曰虞

禮記諸侯年表又漢趙孝成王時其相虞卿著書

上採春秋下觀近世曰節義稱號揣摩政謀凡八篇

以刺譏國家徑失世傳之曰虞氏春秋太史公曰虞

禮記諸侯年表又漢趙孝成王時其相虞卿著書

上採春秋下觀近世曰節義稱號揣摩政謀凡八篇

以刺譏國家徑失世傳之曰虞氏春秋太史公曰虞

禮記諸侯年表又漢趙孝成王時其相虞卿著書

上採春秋下觀近世曰節義稱號揣摩政謀凡八篇

鄉非窮愁不能著書以自見於後世 漢志春秋有

魯氏微傳二篇 趙相虞卿 儒家虞氏春秋十五篇 史

五篇 志十 李氏春秋二篇 孔叢子 虞卿著書名曰

春秋魏齊曰無然也春秋孔聖所以名經也今子之

善大抵談說而已亦以為名何答曰經者取其常事

也可常則為經矣且不為孔子其無經乎齊問子順

曰魯之史記曰春秋春秋因以名焉又晏子之書亦

曰春秋注虞卿遊說之士為趙孝成王上卿後與魏

問行去趙困於大梁不得志乃著書云云 本傳

通晏子虞卿呂氏陸賈其書篇第本無年月而亦

謂春秋

吳越春秋

越絕書

後漢趙曄傳著吳越春秋詩細歷神淵蔡邕至會稽

讀詩細而歎息以為長於論衡邕還師傳之學者咸

誦習焉 晉書楊方補高梁 太守在郡積年著五

經鉤沉更撰吳越春秋并雜文行於世 隋志雜史

類吳越春秋十二卷趙曄撰吳越春秋削繁五卷楊

方撰 唐志云 吳越春秋十卷皇甫遵撰 越春秋傳 吳

越記六卷越絕相承以為子貢所作 本志越絕記十

志同 中興書目十五卷十九篇 趙曄又為吳越

周禮疏引越傳 後漢書注引越絕

春秋其屬辭比事皆不與春秋史記漢書相似蓋率爾而作非史策之正也
 [中興書目] 吳越春秋十卷內吳外越以紀其事吳越太伯止闔閭越起無余止句踐
 [崇文目] 越絕書有內紀八外傳十七文題舛缺纔二十篇
 [書目] 或云子貢子胥然載春申君及紀年至建武二十八年疑後人續成今存十九篇十五卷第一卷荆平王內傳二外傳記吳地三吳內傳四季倪內經五請糴內傳六外傳策考七外傳記范伯內傳陳成常八外傳記地傳九外傳計倪十外傳記吳王占夢十一外傳記寶劍十二內經九術外傳

續春秋

記軍氣十三外傳

統中十四外傳春申君德序外傳

魯後春秋

唐志雜史劉允濟

魯後春秋二十卷

劉允濟傳中

宗時遷著作佐郎

魯哀公後十二世接戰國為魯

後春秋獻之允濟

書曰史官善惡必書使驕主賊臣

懼此權顧輕哉而

雖生受金陳壽求來僕乃覆之知

浮雲耳

戰國春秋

北齊書李暉撰戰

國春秋及晉書

隋志戰國春秋

二十卷李熙撰

楚漢春秋

後班彪傳漢史

楚漢春秋九篇

賈所記隋志

秦項之事司馬遷

漢春秋

明帝紀永平十五年

群臣中庭北面皆

左史六卷李熙撰

楚漢春秋九卷陸賈撰述諫

天下太申大夫陸賈記錄時功作

楚漢春秋九卷陸賈撰述諫

楚漢春秋九卷陸賈撰述諫

楚漢春秋九卷陸賈撰述諫

楚漢春秋九卷陸賈撰述諫

楚漢春秋九卷陸賈撰述諫

楚漢春秋九卷陸賈撰述諫

楚漢春秋九卷陸賈撰述諫

補注不注漢書春秋曰關里仲尼之故宅云云

武紀建武五年注案范曄序例云帝紀畧依春秋

字彙日食地震書餘表備於志司馬遷傳太史公

注如淳曰漢儀注太史公武帝置位在丞相上天下

計書先上太史副上丞相序事如古春秋晁錯策

刻於王版藏於金匱歷之春秋楊惲傳天陰不雨

此春秋所記夏侯君所言也注張晏曰漢史記勝所

言故曰春秋所記叙傳為春秋考紀練漢之新書

王命論岳策書於春秋注師古曰史書記事之總

稱唐志雜史孔衍漢春秋十卷後漢春秋六卷袁

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

魏志注引

唐志編年類孫盛魏武春秋二十卷鄧粲晉陽秋

三十二卷本傳粲著元檀道鸞晉春秋二十卷隋志云續

晉陽雜史類孫壽魏陽秋異同八卷王韶之私撰

晉安帝陽秋除著作佐郎使續後事訖義熙九年善

叙事辭論可觀為後代佳史

三國春秋

唐志雜史負半千三國春秋二十卷崔良佐三國春

秋卷七良佐深州安平人日用從子門人謚曰貞文孝父

晉九州春秋

隋志雜史九州春秋十卷司馬彪撰記漢末事唐志

九卷書目紀漢末州郡之亂司冀兖徐青荆揚涼

幽九州各一篇司馬彪高陽王睦之長子專精學

術泰始中為祕書丞注莊子作九州春秋三國志引

之吳志注臣松之案太康八年廣州大中正王範

上交廣二州春秋

玄晏春秋

舊唐志雜傳玄晏春秋二卷皇甫謐撰晉皇甫謐

傳謐自號玄晏先生撰玄晏春秋重於世

任子春秋

晉杜夷傳凡崧字行高有志節惠帝時俗多浮偽著

任子春秋以刺之

晉春秋後語

史通孔衍字舒以戰國策所書未為盡善乃引太史公所記參其異同刪彼二家聚為一錄號為春秋後語除二周及宋衛中山所留者七國而已始自秦孝公終於楚漢之際比於春秋亦盡二百四十餘年行事始衍撰春秋時國語復撰春秋後語勒成二書各為十卷今行世者唯後語存焉書目十卷唐志雜史孔衍春秋時國語春秋後國語各十卷漢春秋十卷後漢春秋六卷後魏春秋九卷通鑑外紀引後

晉春秋後傳

史通晉著作郎繼寶采二史撰為春秋後傳其書始於周貞王續前傳魯哀以後至工報入秦又以秦文王繼周終於二世合作三十卷唐志同隋志前雜史何承天春秋前傳十卷唐志同前雜傳九卷唐志前傳雜水經注引春秋後傳

十六國春秋

北史後魏崔鴻以劉元海石勒慕容儁符健慕容垂姚萇慕容德赫連屈子張軌李雄呂光乞伏國仁統

髮烏孤李高祖渠蒙遜馮跋等並因世故跨僭一方各有國書未有統一鴻乃撰為十六國春秋勒成百卷因其舊記時有增損褒貶鴻二世仕江左故不錄晉劉勰之書藉以長歷考諸舊志又別作序例一卷年志一卷凡一百二卷隋志霸史崔鴻撰十六國春秋一百卷唐史偽史類一百二十卷國史志鴻書世有二十餘卷舊志乃五十卷蓋獻書者妄分篇第晁說之曰司馬公休言温公所考十六國春秋非崔鴻全書

三十國春秋

續春秋

隋志古史三十國春秋三十一卷梁湘東世子蕭等撰唐志偽史類蕭方三十國春秋三十卷武以之三十國春秋一百卷隋志蔡允恭後梁春秋十卷中興書目三十卷方等採削諸史以晉為主附列漢劉淵以下二十九國又上取吳孫皓事起宣帝迄恭帝又三十國春秋鈔一卷

晉春秋畧

唐志編年杜延業晉春秋畧二十卷中興書目唐祕書省正字杜公業撰唐志作并序起晉宣帝迄恭帝一百五十六年以後魏崔鴻撰十六國春秋尚未

完蓋梁蕭方等著三十國春秋以晉為主附列二十
九國採集為廣遂加刪緝號曰晉春秋畧凡一百八
萬餘言

宋春秋 齊春秋

隋志古史宋春秋二十卷梁吳興令王琰撰齊春秋

三十卷梁奉朝請吳均撰唐志編年類鮑衡卿撰

春秋二十卷王琰二十卷吳均齊春秋三十卷裴

子野欲撰齊梁春秋草創未就

文中子元經

元經五十篇列為十五卷白獲麟後歷秦漢至後魏

紀年之書謂之元經薛收傳阮兔注

中說天下

無賞罰三百載元經得不興乎薛收曰始於晉惠何

也曰元經褒貶以代賞罰董常曰夫子以元經為賞

罰子述元經皇始之事歎焉初叔恬曰蓋歎命矣

子謂叔恬曰春秋元經於王道是輕重之權衡曲直

之繩墨也子曰元經其正名乎皇始之帝證天以授

之也晉宋之王近於正體於是乎未忘中國齊梁陳

之德下之於四夷也以明中國之有代太和之力也

曰元經興而帝制亡矣元經其衰世之意乎義直而

微言曲而中董常曰元經之帝元魏自文靜太皇始

吳兢奏臣潛心積思別撰唐書九十八卷集賢注百卷
 唐春秋三十卷用藏祕室歷二十餘年尚刊削未就
 於是彌綸舊紀重加刪緝雖文則不工而事皆從實
 斷自隋大業十三年迄于開元十四年春三月即皇
 家一代之典盡在斯矣詔兢就集賢院論次俄令就
 史館其書未就兢遷荊州司馬上令中使往荊州取
 得五十餘卷記事跡畧韋述傳舉進士時方少考
向宋之問曰吾子何業述曰性嗜書所撰唐春秋三十
篇未畢也唯命之問曰本末茂才乃得遷因遂上第
 國史志陸長源唐春秋今存十八卷孫氏西齋

錄 長源唐春秋乃編年雜錄撮其切峭獨可示懲
 勸自為十八通書號孫氏西齋錄 宋朝趙瞻唐春
 春秋五十卷

五代春秋

書目 五代春秋一卷尹深撰 國史志 雜史 王軫五
 朝春秋二十五卷

論語

漢世通謂論語孝經為傳書耳言及論語孝經程
 子曰論語之書成於有子曾子之門人故其書獨

二子以子稱論語識曰子夏六十四人共撰仲尼
微言鄭康成曰仲弓存夏等摭定正義曰以口相
傳受故經焚書而獨存

漢十二家論語

藝文志論語十二家二百二十九篇論語古二十一
篇出孔子壁中兩子張何如可以分堯曰篇後子為
日從政又與齊魯同新論云文異者四百餘字
二十二篇多問王知道其二十篇中章魯二十篇傳
十九篇齊說二十九篇魯夏侯說二十一篇魯安昌
侯說二十一篇張魯曰王駿說二十篇王吉燕傳說三

卷議奏十八篇節渠孔子家語二十七卷孔子三朝

七篇孔子徒人圖法二卷論語者孔子答弟子時人

及弟子相與言而接聞於夫子之語也漢興有齊魯

之說傳齊論者昌邑中尉王吉何晏序又有府宋

時御史大夫貢禹尚書令五鹿充宗膠東庸生唯王

陽名家傳魯論者常山都尉龔奮魯長信少府夏侯勝

丞相韋賢序云及魯扶卿前將軍蕭望之安邑侯張

禹皆名家張氏最後而行於世曾論傳於學何晏

序論語孔子弟子記諸善言也張禹本受魯論兼講

齊說善者從之號曰張侯論為世所貴包氏周氏章

句出焉古論唯博士孔安國為之訓解而世不傳順
 帝時南郡太守馬融亦為訓說漢末大司農鄭玄就
 魯論篇章考之齊古為之注故司空陳群太常王肅
 博士周生烈比日為善說晏集諸家為解邢昺疏張
 禹擇齊魯之善而為論鄭玄考齊古之長而為注
 孝文置論語博士平帝詔召通知論語者加為一封
 軹傳詣京師唐薛放曰漢時論語首立學官光武
 今虎賁士皆習孝經
 說文逸論語曰王蔡之殘也其壞猛也如王之焚玉
 文選注逸論語曰如玉之瑩初學記逸論語曰瑤

與魯之寶玉也春秋正義論語哀公問主於宰我
 案古論語及孔鄭皆以為社主張包周等並為廟主
 家語孔安國為古文論語訓二十一篇孝經傳二篇

魯讀

論語釋文傳不習乎鄭注云魯讀傳為專今從古案
 鄭校周之本以齊古讀正凡五十事鄭本或無此注
 然皇覽引魯讀六事則無者非也崔子魯讀崔為
 高未嘗無誨魯讀為悔五十以學易魯讀易為
 亦正唯弟子不能學也魯讀正為誠魯讀坦蕩
 為坦湯冕衣裳者鄭本作弁云魯讀弁為統今從

古 瓜祭魯讀瓜為必 賜生魯讀生為牲 車中
 不內顧魯讀車中內顧 詠而歸鄭本作饋魯讀饋
 為歸 仍舊魯讀仍為仁 折獄魯讀折為制 小
 蕙魯讀蕙為惠 古之矜也廉魯讀廉為聚 魯讀
 蹀為傲室為室 歸孔子豚鄭本作饋魯讀為歸
 天何言哉魯讀天為夫 不知命無以為君子也魯
 論無此章今從古

漢尚書論語說

夏侯勝傳

見尚書

蕭望之傳從勝問論語禮服後

授太子

漢易論語大義

論語章句

張禹傳從沛郡施雠受易琅邪王陽膠東庸光問論
 語皆明習諸儒曰欲為論念張文甘露中諸儒薦禹
 有詔太子太傅蕭望之問禹對易及論語大義望之
 善禹奏禹經學精習有師法可試事奏寢父之試為
 博士初元中授太子論語禹為成帝師以上好論語
 難數對已問經為論語章句獻之 後儒林傳包咸
 建武中入授太子論語又為章句 何休注訓孝經
 論語 沛王輔傳善說孝經論語傳

漢鄭玄注論語

論語釋義

晉論語注

讚

唐志鄭玄注論語十卷又注論語釋義十卷隋志
 論語九卷鄭玄注晉散騎常侍虞喜讚梁有古文論
 語十卷鄭玄注又王肅虞翻譙周等注論語各十卷
 亡鄭玄以張侯論為本參考齊古而為注齊論亡古
 論先無師說梁陳唯鄭玄何晏立國學而鄭甚微周
 齊鄭學獨立隋何鄭並行鄭氏盛於人間比史鄭
 玄論語序云書以八寸策誤作八十宗徐遵明曲為
 之說春秋正義鄭玄注論語序以鈎命決云春秋
 二尺四寸書之孝經一尺二寸書之故知六經之策

皆稱長二尺四寸聘禮疏鄭作論語序云易詩書
 禮樂春秋策皆尺二寸孝經謙半之論語八寸策者
 三分居一又謙焉是其策之長短鄭注尚書三十字
 一簡之文服虔注左氏云古文篆書一簡八字是其
 簡之字數

魏論語集解

唐志何晏集解十卷隋志孫綽集解十卷盈氏集義
 江熙集解各十卷晉鄭冲傳與孫邕何晏曹羲荀
 凱等共集論語諸家訓注之善者義有不安者輒改
 易之名集解正義集孔安國包咸周氏不詳馬融

鄭玄陳群王肅周生烈之說兼以己意為集解正始

中上之包周就張侯論為訓解又有續辯誤一卷附其後

吳志虞翻為老子論語國語訓注

晉論語集注 集解

隋志集注六卷太保衛瓘注江熙孫綽集解皆十卷

李充注十卷 唐志宋明帝補衛瓘注十卷隋志云論語補

卷二

晉論語集義 旨序 體畧

隋志集義八卷晉左中兵郎崔豹集梁十卷 唐志崔豹大義解十

卷一

氏集 體畧二卷太傅主簿郭象撰旨序三卷

衛尉繆播撰唐志二卷釋疑三卷王弼撰又釋疑十卷晉尚

書郎樂肇撰集注六卷晉八卷 晉大尉衛瓘注有太史叔明

集解陶弘景集注各十卷虞喜新書對張論十卷

梁論語疏

唐志皇侃疏十卷邢昺以為援引褚仲都講疏十卷

賈公彥疏十卷 中興書目梁國子助教皇侃以何

晏集解去取為疏十卷又列晉衛瓘繆播樂肇郭象

蔡謨袁宏江厚蔡奚李充隋志十卷孫綽周懷范甯王珉

等十三人 進前去此十三家是江熙所集其解

釋於何集無妨者引取以廣異聞
隋志宋張畧等疏八卷褚仲都義疏皇侃義疏劉炫述義本傳各十卷
孝克講疏文句義五卷張冲義疏二卷
孝經義八卷論語義二十卷
國史志皇侃疏雖時有鄙近然博極群言補諸家之未至為後學所宗咸平中詔邢昺刊定正義

論語圖

隋志梁有論語義注圖十二卷古論語義注譜一

卷徐氏撰

唐三十家論語

志經錄八曰論語三十家三十七部三百二十一

失姓名三家始於鄭玄注釋義終於賈公彥疏為

釋者有鄭玄王弼王肅李充梁觀孟釐袁喬尹毅張

氏暢惠明宋明帝藥肇崔豹劉炫為集解集義者有

何晏孫綽盈氏江熙為講疏者有皇侃褚仲都賈公

彥又有徐氏之譜虞喜之贊繆播旨序郭象體異戴

詵述議徐邈之音王勃之次論語及家語十卷孔

七卷篇目弟子一卷附焉不著錄二家十二卷韓愈

注十卷張籍注辯二卷隋志隋志論語并五經

義等七十二部七百八十一卷崇文目十三部

百十卷 中興目二十三卷一百八十一卷 續目
十六家一百三十三卷

唐論語筆解

書目二一卷題韓愈撰韓愈注皇朝許勅為序
其問翹曰者蓋李習之同與琢磨非獨韓製此書也
宋咸增注論語十卷序云韓愈注論語與筆解大
槩多竊先儒義而遷易其辭因摘二書是否并舊注
未安辯正焉 劉正叟謂筆解皆後人之學託韓愈
名以求行徒玷前賢悉無所取為重注十卷以祛學
者之感

唐次論語

志王勅次論語十卷

咸平論語正義 見孝經

書目論語正義十卷翰林侍講學士邢昺等撰咸平
中頒其書於章句訓詁名器事物之際詳矣

元祐論語要義

見孝經

論語說

蘇軾子瞻說論語正義黃州時所為大觀間第謙子
范祖禹醇夫說元祐程頤所進識引 程頤正叔解

謝良佐 顯道 解正師程 呂大臨 與故 解中為崇政

與經不盡 程氏之師 撰 尹焞 彥明 解說與中 被旨訓 解

揚時 中立 注 游酢 定夫 解皆程氏 王鞏 定國

注 游秦少 汪董 信民 古 解部聖中禮 王安石 介言

解 王義 葉夢得 少 蘇 釋言 張栻 敬夫 說 以上

各十卷 張九成 解二十卷 胡宏 指南一卷 胡

寅 詳說 洪興祖 說於此書始於不 吳棫 讀

解 考異說 例十二卷 曾幾 撰義二卷 薛季宣

學 鄒補之 贅解 紹興 論語 解義

二十二年三月己未 刑部侍郎兼侍講黃祖舜進論

證 辨義 詔給事中 金安節等 看詳 安節等言 詞義明

粹 今國子監 板行 賜詔 獎諭 胡安 節等 言 詞 義 明

八年四月戊寅 詔尹焞 解論語 書成 賜六品服 十

三年正月二十四日 王普 進父 賓講論語 口義 送史

館 淳熙 論語 孟子 集注 或問

朱文公 熹 撰 淳熙 四年 六月 癸巳 成 初 編 次 集 義 釋

二程之說 又取 張范 二 呂 大 希 臨 謝 游 揚 侯 紳 尹 氏 九

家 初 名 要 集 義 改 名 精 義 最 又 本 注 疏 參 釋 文 會 諸 老

後 名 曰 集 義 三 十 四 卷 又 本 注 疏 參 釋 文 會 諸 老

家 後 名 曰 集 義 三 十 四 卷 又 本 注 疏 參 釋 文 會 諸 老

先生之說間附所聞於師友得於心思者為詳說舊
 名訓彖口義既而約其精粹為集注謝讎又疏其所
 以去取之意為或問十卷其後集注刪改日益精密
 而或問不復釐正故其去取間有不同者黃氏曰
 朱子集註於一字未安一語未順覃思靜慮更易不
 置或一二日而未已用心如此學音顧以易心讀之
 安能得聖賢之意哉朱子言三十餘年為集注者陳
 氏曰集注遍閱諸家說雖一句一字皆為抄撮旋加
 磨削翦繁趨約不啻數百過又曰學者須專事集注
 為標準復讀賢箴習中已有定見然參以集義方

識諸家是非得失始知集注明潔親切辭約而富
 義精而味長信為萬世不刊之書黃榦撰論語通
 釋十卷輔廣論語答問魏了翁要義編跡論語
 二十卷孟子十四卷

淳熙論語拾遺

五年六月九日軍器少監張琬上二十篇付秘閣

孔子家語 孔叢 孔志 孔子弟子目
 錄 孔氏古文弟子籍

漢志 論語家 孔子家語二十七卷注師古曰非今所

有家語隋志孔子家語二十一卷三蕭解

撰博士張孔叢七卷陳勝博士孔鮒撰魏有

撰孔子弟子目錄一卷鄭玄撰孔叢家語並孔

氏所傳之旨唐志王肅注孔子家語十卷璠誌

孔叢七卷論語篇目弟子一卷書目家語十卷王

肅注孔叢一名盤孟取其事雜也家語今自相魯

至曲禮公西赤問四十四篇漢元封中孔安國集錄

孔子孔叢今自嘉言至答問二十一篇為六卷集

仲尼子思子上子高子順之言以為孔鮒子魚所作

孔叢又以所為賦與書謂之連叢上下篇為一卷合

二十三篇附子末嘉祐四年三月宋咸注上之

史記太史公曰弟子籍出孔氏古文近是今以名姓文字

取論語弟子問并次為篇自子石已右三十五又有

年名及受業聞見于書傳其四十二人無年及不見

書傳紀于左漢季索隱家語此例唯有三十七其

公良孺秦商顏亥叔仲會四人家語有事迹史記

自公伯察秦冉郭單三人家語不載而別有琴室陳

亢縣豐如文翁圖所記又有林放蘧伯子申儀申堂

後人增益今不可考宋朝李燾著大傳雜說七

二子名籍各一卷馬昭曰家語王肅增加非鄭玄

所見謂私定以難鄭玄

王海卷四十一

三

孝經

隋志孔子既叙六經題目不同指意差別恐斯道
離散故作孝經以總會之明其後流雖分本萌於
孝

魏文侯孝經傳

漢祭禮志注蔡邕明堂論曰魏文侯孝經傳曰大學
者中學明堂之位也

漢十一家孝經 四家孝經

孝經十一家五十九篇古孔氏一篇二十一

章以經一篇十八章長孫江后翼氏四家長孫氏

二篇死氏翼氏后氏說各一篇雜傳四篇安昌侯

一篇五經雜議十八篇石渠論爾雅三卷二十篇小

爾雅一篇古今字一卷弟子職一篇仲說三

篇孔子為曾子陳孝道夫孝天之經地之義民之行

也舉大者言之故曰孝經漢興長孫氏博士江翁少

府后舍諫大夫翼表安昌侯張禹傳之各自名家經

文皆同唯孔氏壁中古文為異父母生之續莫大焉

故親生之膝下諾家說不安處古文字讀皆異

式傳博士江公著孝經說後漢儒林傳自期四羽

林之士悉通孝經章句明帝時禮記周禮注引考

經說秋官注引考經說曰云云梁疏亦引

孝經說

孝文置孝經博士司諫有孝經師荀爽對策漢

火德其德為孝漢制使天下誦孝經選吏舉孝廉

何休注訓孝經馬融注孝經高誘作孝經解

宋景曰涼州寡於學術屢致反暴今欲多寫孝經令

家家習之詔書詰責

漢古文孝經

志孝經古孔氏一篇二十二章師古曰劉向云

問章分為三又多一章漢興云見上唯孔氏壁中

古文為異父母生之續莫大焉以親生之膝下諸家

說不安處古文字讀皆異師古曰百七十一論云古時

餘者四百書序孔子舊宅壁中侍古文虞夏商周之

書及傳論語孝經皆科斗文字說文叙建光元年

九月戊午許冲上父慎說文曰古文孝經者孝昭帝

時魯國三老所獻建武時議郎衛宏所校皆口傳官

無其說臣父學孔氏古文撰具一篇并上家語後

序孔安國為古文論語訓二十一篇孝經傳二篇皆

壁中科斗本也 晉衛恒傳漢武時魯恭王壞孔子

宅得尚書春秋論語孝經時人 不復知有古文謂之

科斗書漢世祕藏希得見之 隋志古文孝經一卷

元安國傳梁末亡逸今疑非古 本古文孝經述義五

卷劉炫撰 述義云秦焚書為河

子貞出之凡十八章而長孫江 而長孫有闕門一章

有古文孝經與古文尚書同出 又有衍出三章并前

其餘經文大較相似篇簡缺解 至劉向與校經籍以

合為二十二章孔安國為之傳 章為定鄭眾馬融並

本比古文除其繁惑以十八 章為定鄭眾馬融並

為之注又有鄭氏注相傳或云 知玄梁代安國及鄭

氏二家並立國學而安國之本 於梁亂至隋祕

蓋王劭於京師訪得孔傳送至 門間劉炫炫因述其

議疏講于人間後遂著令與鄭 並立儒者皆云炫

自作之非孔舊本 鄭氏注

各一卷 唐玄宗時議者排毀

鄙俗不可行 文以闕門一章為

魏孝經傳

王肅傳 肅詔令諸儒注述孝經以肅說為長

唐會

要劉子玄云三肅子經傳首有司馬宣平之奏奉詔
令諸儒注述孝經以肅說為長
吳嚴陵著孝經傳潮水論

孝經解讀

隋志一卷韋昭解集解孝經一卷
萬集蕭子顯孝
經敬愛義一卷太史叔明孝經義一卷

晉講孝經義

見帝學 隋志梁有晉孝經一卷
孝經作二九神經
帝時 邢嘉依

晉集議孝經

隋志一卷晉東陽太守袁敬仲集又一卷中書郎荀
勗撰唐志荀勗
孝經集解

梁孝經義疏

隋志梁武帝義疏十八卷皇侃三卷梁簡文五卷蕭
子顯一卷梁武帝釋孝經義中大通四年三月置
制古孝經助教一人簡文於
林館發

孝經題張譏論義往復議有孝經義
趙景韶一卷徐

孝克講疏六卷 唐志何約之大明中皇太子講義

疏一卷 齊書永明三年太子於崇正殿講孝經晉太

子講孝經 梁書昭明太子講孝經殿中庶子徐

於崇政殿 勉祭酒張克執經天監八年九月於壽安殿講孝經

皇朝通志卷四十一

王海波卷四十一

三

論語講畢親臨釋奠于國學 **南史陳王元規孝經**
義記兩卷 **北史何妥義疏**二卷 齊周撰義疏

孝經圖

隋志梁有孝經圖一卷孝經孔子圖二卷 舊唐志孝經應瑞
一卷識緯有孝經古祕圖一卷左右契圖一卷分野圖
一卷內事圖二卷內事星宿講堂七十二弟子圖一
卷又口授圖一卷 **崇文目**農家大農孝經一卷
說有正順孝經一卷女孝經一卷酒孝經一卷

唐二十七家孝經

志經錄孝經二十七家三十六部八十二卷失

一家始於古文孔安國傳終於元行冲疏古文有孔
安國之傳劉邵之注為注者王肅鄭玄韋昭孫熙
林謝萬虞盤佐孔光殷仲文叔道徐整魏克巳而
玄宗制旨附焉為講義義疏者車胤皇侃何約之梁
武帝劉炫賈公彥任希古元行冲而荀勗集解大史
叔明發題張士儒演孝經附焉應瑞圖一卷失姓名
不著錄六家一十三卷尹知章王元感之注孔穎達
之義疏李嗣真之指要及平貞齋孝經義終於徐浩
廣孝經 唐舊令行孔定二注 **隋志** 六典同 古今孝經等十八部
六十三卷 **崇文目** 五部九卷 **中興目** 十五家二

十卷 續目 一家一卷

鄭氏序孝經者三才之經緯五行之綱紀孝為百行之首經者至易之稱 玄宗序雖五孝之用則別而百行之源不殊 國史志孔安國傳古二十二章有闕門篇為世所疑鄭氏注令十八章相承言康成作鄭志目錄不載通儒皆驗其非開元中孝明纂諸說自注以奪二家然尚不知鄭氏之為小同 經典序錄鄭注相承以為鄭玄案鄭志及中經簿無唯中朝穆帝集講孝經云以鄭玄為主檢孝經注與康成注不同未詳是非 江左中興孝經論語共立鄭氏博士

孝經

唐孝經章句

孔穎達傳

兼舊史

太宗時為太子右庶子承乾令穎達

撰孝經章句因文箴諷貞觀十四年詔穎達講孝經

於國學

志

穎達義疏

卷亡

集賢注記壽王通孝

經賜王洵質束帛酒饌及衣被

唐孝經注議

會要開元七年三月一日敕孝經尚書有古文本孔

鄭注旨趣頗多踳駁令諸儒質定六日詔曰孝經德

教所先頃來獨宗鄭氏孔氏遺旨今則無文又子夏

易傳近無習者。輔嗣注老子亦甚。魏明其令儒官詳定所長。令明經者習讀。四月七日。左庶子劉子玄上孝經注議曰。今俗所行孝經。題曰鄭氏注。云即康成而魏晉無此說。至晉穆帝永和十一年。孝武太元元年。再聚群臣。共論經義。有荀昶撰集孝經諸說。始以鄭氏為宗。宋梁已來。多有異論。陸澄以為非玄所注。請不藏祕省。王儉不依其請。遂傳於時。魏齊立於學。書著在律令。然則孝經非玄所注。其驗十有二條。鄭自序無注孝經之文。一也。弟子追論師注。及應對時。又謂之鄭志。不言注孝經。二也。鄭志目錄。記鄭所注。

不言孝經三也。鄭記不及孝經四也。趙商作鄭先生碑銘。亦不言注孝經。晉中經簿稱鄭氏解。無名玄二字。五也。春秋緯演孔圖云。春秋孝經。別有評論。宋均於詩譜序云。先師則均是傳業弟子也。而云唯有評論六也。宋均孝經緯注。引鄭六藝論。叙孝經云。玄又為之注。而均無聞焉。七也。宋均春秋緯注云。玄為春秋孝經畧說。非注之謂。八也。後漢史書。謝薛司馬袁為傳載。所注皆無孝經九也。云云。古文孔傳。曠代亡逸。隋開皇十四年。秘書學生王孝逸得一本。送王邵。以示劉炫。炫率意刊改。因著孝經稽疑一篇。邵以為

經文盡在正義甚美而歷代未嘗置於學官愚謂行
孔廢鄭於義為允國子祭酒司馬貞議曰今孝經是
漢河間王所得顏芝本劉向定為十八章其注相承
云鄭玄作而鄭志及目錄等不載往賢共疑焉唯荀
昶范曄以為鄭注昶集解孝經其載此注序云以鄭
為主是以此注為優其古文二十二章元出孔壁安
國作傳世未之行荀昶集注之時尚有孔傳中朝遂
亡其本近儒妄作此傳假稱孔氏又偽作闈門一章
劉炫詭隨妄稱其善且闈門之義近俗之語非宣尼
正說又分庶人章故自天子已下別為一章仍加子

孝經

曰二字非但經文不直亦傳習淺偽議者取近儒詭
說殘經缺傳而廢鄭注理實未可請鄭孔俱行五月
五日詔鄭仍舊行用孔注傳習者稀亦存繼絕之典
頗加獎飾

唐六家孝經見御製

明皇取王肅劉邵虞翻韋昭劉炫陸澄六家之說參
攷孔鄭舊義自作序云舉六家之異同劉邵註文
卷王肅韋昭注各一卷劉炫述義五卷陸澄言辭不類虞翻翻唐
志下

唐孝經制旨 疏

志玄宗孝經制旨一卷系武帝義制元行中御注孝

經疏二卷隋志三卷開元七卷元行中御注孝

謝萬尹知章隋何妥孝經義疏二卷元行中御注孝

玄宗自注孝經詔行冲為疏立于學官會要開元

十年六月二日上注孝經頒天下及國子學天寶二

年五月二十二日上重注亦頒天下經天寶三載

十二月癸丑詔天下家藏孝經會要云信加傳授川

縣官長申勸課焉薛放曰漢立論語於學官光武令虎賁士

外孝經元宗親為注訓論語六經菁華孝經人倫之本

以層樓覆之洛中記異

也 開元中親注孝經并製序八分書之立于國學

以層樓覆之洛中記異

唐孝經指要

志李嗣真孝經指要一卷

唐唐孝經

志徐浩廣孝經十卷浩稱四明山人乾元二年十一

月上授校書郎張士儒演孝經十二卷

唐科斗書孝經

子服之貞元中授韓愈以其家科斗孝經衛

書兩部合一卷後以歸歸登其後以凡為文爾

唐書識字用乞觀之張籍令賀拔怒寫之韓愈科斗

書後記 又謂上耕者亦得古文孝經

唐孝經新義

志任希古越王孝經新義十卷 後周顯德六年八

月高麗遣使進別叙孝經一卷越王孝經新義八卷

別叙者記孔子所生及弟子從學之事新義以越王

為問目釋疏文是非

淳化御書孝經

見御書

咸平孝經論語玉義

至道二年判監李至請命李沆杜鎬等校定周禮儀

禮穀梁傳疏及別纂孝經論語正義從之皇紀

事杜鎬舒雅李維孫真李慕清王煥崔倓劉士元

預其事凡賈公彥周禮儀禮疏各五十卷公羊疏三

十卷楊士勛穀梁疏十二卷皆校舊本而成之孝經

取元行冲疏論語取梁皇侃疏爾雅取孫炎高碑疏

約而修之又二十三卷四年九月訂以獻賜宴國子

監進秩有差十月九日命杭州刻板書目孝經正

義三卷邢昺撰初世傳元行冲疏外餘家尚多皆淺

義三卷邢昺撰初世傳元行冲疏外餘家尚多皆淺

義三卷邢昺撰初世傳元行冲疏外餘家尚多皆淺

義三卷邢昺撰初世傳元行冲疏外餘家尚多皆淺

義三卷邢昺撰初世傳元行冲疏外餘家尚多皆淺

義三卷邢昺撰初世傳元行冲疏外餘家尚多皆淺

近不足取咸平中吳等奏詔據元氏本而增損焉

咸平三體書孝經

三年四月辛未直昭文館句中正上石本大小卷八分

三體書孝經書曰一卷具古文篆隸三體有

真宗召至便殿坐問所書幾時方畢曰凡十年遂賜

金紫藏其書秘閣命別進三本送三館八月二十日

曰汝精通字學得史籍之舊法見於世之古

孝經一卷案隋志鄭氏注邢昺正義云世傳康成所

注而鄭志不載先儒疑之荀昶集解以此注為優請

與孔傳並行今陸德明音釋用此五代散亡咸平中

本僧周然來獻

祥符資善堂講孝經

見堂類

天聖孝經論議

天聖四年閏五月侍讀學士宋綬錄惟皇誠德賦孝

經論語要言唐太宗帝範二卷開元中楊浚聖典三

卷楊相如君臣政理論三卷以進時帝好儒學太后

命綬撰前代文字資孝養補政治者以備帝覽故也

慶曆七年三月丙申通英講孝經

皇祐孝經圖

四年命丁度書天子孝治聖治廣要道四章為圖

至和古文孝經指解

實錄至和元年十二月丁未中丞直秘閣司馬光

上古文孝經指解一卷詔送秘閣或作皇祐序曰

聖人言則為經動則為法孔子與魯參論孝而門人

書之謂之孝經漢興顏芝之子得十八章儒者傳之

是為今文及魯恭王壞孔子宅而古文始出凡二十

二章今文之學已盛古文排根不得列於學官獨孔

安國及馬融為之傳隋開皇中王孝逸得之河間劉

炫作稽疑一篇將興墜柱廢時人已多譏笑之唐開

元

元中詔議孔鄭二家劉知幾以為宜行孔廢鄭諸儒

學難盡起卒行鄭學及明皇自注遂用十八章為定

節世孝經多者五十餘家少亦不減十家今秘閣所

藏止有鄭氏明皇及古文二家古文有經無傳按孔

安國以古文時無通者以隸書寫尚書而傳之則論

語孝經不得獨用古文蓋後世好事者用孔氏傳本

更以古文寫之其文則非其法則非是也臣輒以隸寫

古文為之指解其今文舊注石口未盡者引而伸之其

不合者易而去之表曰聖人之德莫加於孝猶江

河之有源草木之有本源遠則流大本固則葉繁必

必

閣所藏古文學經先秦舊書傳注遺逸孤學堙微不絕如綫其以所聞為指解一卷 范祖禹復為之說一卷元祐中上 桓譚新論古 孝經一卷二十章千八百七十二字今異者四百餘字見上

元祐尚書論語孝經要義 三經要語

元祐二年九月庚午呂公著言伏觀今月十五日以經筵講論語畢賜執政及講筵官御筵是日內出御書唐賢律詩分賜臣等各一篇次日臣於延和謝今來論語終秩進講尚書二書要道臣輒於尚書論語及五經中節取要語凡一百

段惟取明白切於治道者庶便省覽他日太皇太后宣諭公著曰所進尚書論語等要義百篇皇帝每日書寫看覽甚有益學問與寫詩不同 范祖禹又言臣謹節尚書論語孝經要切之語訓戒之言條二百一十九事以備聖札所冀手書之目觀之心存之以助聖德之萬一名曰三經要語

紹興御書孝經

二年八月十六日癸卯上出所寫孝經詩書黨章宣示呂頤浩等 九年六月十三日辛酉宰臣摺乞以上所賜御書真章孝經刻之金石上曰十八章世以

五海卷四十一
三六
為童蒙之書不知聖人精微之學不出乎此十四年
七月辛未詔諸州以御書孝經刊石賜見任官及學
生從汪勃之言也

紹興資善堂孝經圖

見堂類

紹興孝經解

八年四月庚午王惟獻孝經解義詔賜帛十年十一月二
月十日程全一進孝經解命為大學職事十一年十
一月二十七日林獨秀進孝經指解賜束帛紹興
中王文獻進詳解一卷趙湘進孝經議一卷沈慶厚

進解一卷

漢忠經 附

書目儒家一卷為融撰鄭元注融述孝經之意作忠
經陳事君之要道始於立德終於成功凡十八章
文選小說 兩朝志

唐武孝經 附

書目一卷崇文目唐郭良輔設太公孫子問答做孝
經篇第以述武事崇文目有兵書論

民生日用之常后王降德之奉

孝經道之根本學之基址其言近其旨遠其守約其
施博自微至顯自小至大自身體髮膚愛之至於嚴
父配天自親生之膝下至於天下和平自事父母至
於天地明察通神靈光四海充其道者舜文王周公
是也荒祖始

孟子

韓愈曰孔子之道大而能博獨孟軻氏之傳得其
宗故求觀聖人之道者必自孟子始

孟子十一篇

漢憲儒家孟子十一篇名軻鄒人子思弟子有列傳

注師古曰聖證論曰軻字子車而此志無字未詳其

所得史記列傳軻與萬章之徒序詩書述仲尼之

意作七篇漢志外書也韓文軻之書非自著既沒

其徒萬章公孫丑相與記所言耳朱子集注史記

近是道性善注曰門人不能盡記其詞決以美之

見氏志按此書韓愈以為弟子所會集今考其言義

孟子所見諸侯皆稱謚死然後有謚軻著書時所見

諸侯不應皆前死且惠王元年至平公之卒凡七十

六年軻始見王曰之日叟必已老矣矣不見平公之

卒也

漢趙岐注孟子

隋志孟子十四卷齊卿孟軻撰趙岐注

注孟子十四卷分上下篇趙岐傳字邠卿

多所述作著孟子章句題辭孟子治儒術之道

憲言以詒後人著書七篇二百六十一章三萬四千

六百八十五字包羅天地揆叙萬類仁義道德性命

靡所不載帝王公侯遵之可以致隆平頌清廟

矣士蹈之可以尊君父立忠信守志厲操者儆之

以崇高節抗浮雲孔子自衛反魯然後樂正雅頌

得其所乃刪詩定書繫周易作春秋孟子退自齊梁

述堯舜之道而著作焉以大賢擬聖而作者也七十

子會集夫子所言以為論語孟子之言則而象之秦

滅經術孟子徒黨盡矣書號諸子篇籍得不泯絕

孝文置博士後罷迄今諸經通義得引以明事謂之

博文儒家惟奉孟子闕遠微妙緼奧難見其在條理

外書四篇

題辭又有外書四篇性善辯文說孝經為正其文不

能弘深不與內篇相似非孟子本真後世

之者也

論衡孟子作性善之篇以為人性皆善及其不善物

亂之也法言孟子曰夫有意而不至者有矣未有

無意而至者也說苑太平御覽孟子曰皆知糞

其田而莫知糞其心顏氏家訓圖景失形漢伍

被傳孟子曰紂實為天子不死曾不如匹史記注

自絕久矣非死之日天去之也史記注

生紐西夷人也藝文類聚滕文公云云

坊記注舜生五十而不失其孺子之心史通堯

舜不勝其美桀紂不勝其惡文選注太山之高參

天人

漢孟子章句

儒林傳程曾著書百餘篇皆五經通難又作孟子章

句高誘正章句

唐六家孟子

志趙岐注十四卷劉熙注七卷鄭玄注七卷蔡母家

注七卷趙岐有蔡母陸善經注七卷張鑑音義三

卷儒家六十九孟子有六家

唐續孟子

崇文目續孟子二卷唐咸通中林謹思撰

祥符孟子音義 正義

晁氏志 孫奭探張鑑丁公著所撰參附益其闕為二卷大中祥符中書成上于朝又撰正義

元祐五臣解孟子

晁氏志 十四卷 范祖禹孔武仲吳安詩豐稷呂希哲

元祐中同在經筵所進講義貫穿史傳辭旨精贍

又伊川孟子解十四卷 程頤 橫渠孟子解十四卷

張載 王安石王雱許允成解各十四卷 馮休刪

孟二卷 十七篇 司馬光疑孟一卷 並晁氏志

紹興中吳表臣於經筵講 高宗書于坐右屏又書

石大學

傳熙孟子集注或問 精義

朱文公熹撰各十四卷 詳見論語類

程子曰學者當以論語孟子為本二書既治則六經可不治而明又曰讀論語孟子而不知道所謂鮮多亦奚以為

張栻孟子說十七卷 魏了翁要義十四卷

玉海卷第四十一

一

三

五

